

**PETRI SERUII
DISSERTATIO DE
VNGUENTO
ARMARIO SIUE
DE NATURAE...**

Pietro Servi, Cornelio
Francescucci



~~VII B 101 fa~~

12
21
2
11

PETRI SERVII

DISSERTATIO

Partinet ad Bibliotheca S. Francisci Avanscribere

DE VNGVENTO ARMARIO

SIVE

DE NATVRAE ARTISQVE
MIRACVLIS



R O M A E

TYPIS DOMINICI MARCIANI

MDCCXXXII.

Illustriss. & Reuerendiss. D.
D. FAVSTO POLO

ARCHIEPISCOPO AMASIAE

Et Summo Domus Pontificis
Praefecto

PETRVS SERVIVS F.



*Increbuit consuetudo
ab antiquissimis us-
que ducta temporibus
(ILLVSTRISIME POLI) ut
nullum quisque librum in pu-
blicam lucem proferat, quem
patroni alicuius clientelae non
committat. Mihi vero vetus
hoc institutum tuenti, cuius fi-
dei Dissertationem meam com-
mendarem atque concrederem,
diu deliberandum non fuit,
* 2 apud*

apud Te enim nata tuaq; munificentia adulta Te patronum iure adit, tuumque fidenter implorat patrocinium. Et vero què non fidat, què non speret a Te patrocinium, quem fauctorem, quem tutorem, quem parentem semper habuit? Iam inde ab eo tempore, quo primum in tuam clientelam suscepti fuimus, perpetuis a Te beneficijs, perenni benignitate, nunquam intermissa gratia affecti obstrictique semper fuimus. Dedecus est, inquires, semper sumere nilque dare: Dedecus, fateor: at neque: Tui sitiunt fontes neque E mea pumice exprimi aqua potest. Tu is es, Praeful Amplif-

plissime, qui auctoritate & gratia polles, quique innata benignitate & liberalitate singulari nostris, imo omnium, commodis uberrime consultum velis. Ego vero quasi Ulysses ille apud Alcinoym nihil habens, quod pro ingentibus meritis rependam, praeter aliqua mentis munera, audeo tenui hoc opusculo ad Te adire, tuaeque munificentiae veluti litare: quod sane eo fidentius audeo, quo certior sum, Non esse minus regium parua accipere, quam largiri magna. Excipe igitur hoc quodcunque est, non quidem ut meritam gratiam, sed vel ut ingentis accepti beneficij exiguum testimonium, vel ut clientem

in

*in tuam fidem & patrocinium
se se conferentem. Vale & vive
tum amplissimis muneribus in-
genio tuo debitis naturaue di-
gnissimis, ab VRBANO Pon-
tifice omnium Maximo incre-
dibili sedulitati tuae, curae,
prudentialaeque delatis; tum ijs,
quae omnium iudicio & accla-
matione Te manent, Summis
Virtutis Insignibus. Iterū vale.
MDCXXXVII.*

Imprimatur, si videbitur Reueren-
diss. P. Mag. Sac. Pal. Apost.

I. B. Alterius Episc. Cam. Vicefg.

Dissertationem hanc Petri Seruij
De Vnguento Armario maiori
qua potui diligentia perlegi, eam-
que nihil orthodoxae fidei absolum
nihil probis moribus aduersum
continere cognoui

Ego Angelus Colius Senen. ipsis
Kalendis Augusti 1637.

Imprimatur.

Fr. Reginaldus Lucarinus
Sac. Pal. Apost. Mag.

P E.

... ..
... ..
... ..

... ..
... ..
... ..
... ..
... ..
... ..

... ..
... ..

... ..
... ..
... ..

...

PETRI SERVII SPOLETINI

In Gymnasio Rom. Medicinæ
Theor. Ord. Professoris P.

DISSERTATIO DE VNGVENTO

ARMARIO ET SYMPATHICO
VVLGO APPELLATO


Siue

De Naturæ Artisq; Miraculis.



DISSERTATIONIS

Argumentum.

A large, ornate initial letter 'V' decorated with intricate floral and leaf patterns. The letter is positioned to the left of the text 'VNGVENTVM' and partially overlaps it.**V**NGVENTVM
vulnerarium, quod
non vulnere, sed
gladio aut panno, vulnerati
sanguine tincto, salubriter

A adhi-

De Vnguen-
to Prima
opinio.

Altera opi-
nio.

Tertia opi-
nio.

adhibetur, a doctissimis qui-
busque Philosophis in quae-
stionem vocatur. Nonnulli
aut nimis simplices & cre-
duli, aut in peruestigandis
naturae viribus, industriaq;
artis experiunda accurate,
versati, id e secretis naturae
gremio, artis industria pro-
ductum arbitrantur. Com-
plures vero inusitata illius
medicatione permoti a dae-
mone mutuatum esse vires
existimant. Alij demum,
nec medicamento nec dae-
moni hac de re facile cre-
dentes, neutri sanitatem, ad-
hibito vnguento redditam,
adscribunt, sed vni naturae,
tan-

tanquam certissimo vulne-
 rum medico. Itaque ab vn-
 guento contra omnes eius
 hostes stare qui vult, non
 experimentis, sed rationi-
 bus praesto esse debet. Ergo
 non tam quaerendum hic
 est, *An vnguentum sympathi-*
cum naturale sit, quam, An
naturale esse POSSIT: quaeren-
dum, inquam, Num artis in-
dustria, naturaeque vires eius-
modi POSSINT vnguentum com-
ponere, quod panno solum gla-
dione cruento illitū, absenti vul-
neri, centumque millium inter-
uallo disiuncto medeatur. Qua-
re nihil fane moror, fuerit
ne vnquam ab vnguento

Dissertatio-
 nis finis.

A 2.

sym-

Ratio differe-
endi de vn-
guento.

sympathico vulnus sanatū,
an nunquam fuerit: immo
nihil moror, sit ne re vera
id, vel non sit in rerum me-
dicarum vniuersitate. Ar-
tem vero solertem & opero-
sam, summis & arcanis na-
turae viribus munitā Posse
haud absimile vnguentum
componere, duplici argu-
mentorum genere conten-
dam: primo naturae artif-
que mirandis operibus: ijs
nempe, quae, etsi vnguen-
to haud plane similia sunt,
tamen ita informant ani-
mum ad industriam artis &
naturae vires cognoscen-
das, vt eum ad sympathici
vn-

vnguenti naturam assequē-
dam alliciat & facile flectat.

plurimis enim naturae ar-
tisque miraculis eruditus a-
Duplex mi-
raculorum
genus.

nimus, vnguenti vim esse
naturalem, sibi persuaderi
facile patietur. Alterum ve-
ro genus argumentorum
ea comprahendit, quae vn-
guento sunt virtute similli-
ma, nasum nempe arte re-
stitutum, Apulum araneū,
malum Punicum, vuam,
cerasum, morum, ceterae-
que maculae, quae ex femi-
narum malacia in qualibet
parte corporis veniunt, &
statis anni temporibus mi-
rabiliter commutantur. His

A 3 ab-

absolutis, aduersariorum
 rationes, sine fuko & fal-
 lacia a me collectas,
 maiori vi subijciam
 subiectasq; stre-
 nue refu-
 tabo.



Ge-

GENUS humanum eo re- Hominum
sciendi defi-
derium.
rum cognoscendarum
agendarumq; libidine ada-
ctum fuit, vt non solum ma-
ximos per se labores subierit
aestus, algores, vigilias, lon-
ga ac difficillima itinera
terra mariq; suscepit: ve-
rū etiam prauos ipsos dae-
mones consuluerit. Sane Magia apud
Chaldaeos
nata.
Chaldaei primo, Hebraei,
Persae, atque Aegyptij, in re-
bus cognoscendis nimium
curiosi, superstitione se obli-
gare coeperunt; mox Grae-
ci, demum Latini. Nam
sicuti Zoroaster Medopersa
magno carminum volumi-
ne Magiam condidit, Her-

A 4 mip-

Qui eam ex-
coluerint .

In Italiam
penetrauit .

mippus interpretatus est ,
imitatus Naſtabis, Typhon,
Dardanus , Simon , Cori-
nondas, & Apollonius Tya-
naeus; ita Oſtanes, Xerſis
Perſarum Regis exercitum
ſequutus, e Perſide in Grae-
ciam aſportauit . Ceterum
ab ingenioſa gente, adeo cu-
rioſe excepta cultaque fuit
ars, vt Democriti & aliorum
philophorum opera ſtu-
dioque longe lateq; ſerpe-
rit, & in Italiam etiam pe-
netrauerit, vt vel ex eo con-
ſtat, quod Romani iam in-
de a primis reipublicae tem-
poribus Chaldaeorum prae-
ſtigias lege duodecim tabu-
la-

larum damnauerint. Immo
vero, vt Liuius addit, Sena-
tusconsulto conquisiti fue-
runt omnes veneficorum
libri igne comburendi.

Verum enimvero vt homi-
num animus rerum cogno-
scendarum desiderio nun-
quam nō flagrauit, vt caco-
daemon nunquam homini
non parauit insidias; ita
nefaria haec ars nulla vn-
quam lege nullaue poena
aboleri potuit. Nam etiam
aetate nostra apud Lappos
Findos, ceterosque popu-
los ad vltimum septentrio-
nem pertinentes excolitur,
& per summum dedecus
exer-

Romae dam-
nata.

Magia fru-
stra legibus
vetita.

Morborum
transpositio.

exercetur : adeo ut ventos
fere nutu & quasi arbitrato
commoueant, & passim na-
uarchis venditent ; tempe-
states procellasque excitent,
morbos ab alijs in alios ho-
mines transponant , non,
absimili modo, quo segetes
apud Virgilium :

*Atque jatas alio vidi tra-
ducere messes .*

Ceterum sicut haec magica
esse ac superstitiosa, nullus
christiana religione imbu-
tus inficiari potest; ita quae-
uis admiranda, quae intelli-
gentia comprahendi non
possunt, cacodaemonis do-
lis, machinis, fallacijs tri-
buen-

buenda esse, is solū asseuerabit, qui vere oscitanter in naturae viribus, industriaq; artis exploranda versatus sit:

Multa enim tegit sacro involucro natura,

multa acutum audaxque, hominum ingenium patrauit, multa assiduo industriaeque labore perfecit, quae rudibus daemoniaca, gnaris naturalia, omnibus admiranda videntur.

De vnguento vero sympathico quid censendum sit, an cacodaemonis opus habendum, an potius naturae artisque thesaurus, e foecundissimo eius gremio feller-

Quid censendum de vnguento.

lertissima huius industria,
promptus, haud satis me-
scire fateor. Sane acer &
attentus animus, cum Vn-
guenti vires perpendit,

*Stupet, obtutuque haeret de-
fixus in Uno,*

inscius, quo se vertat, quid
annuat, quid renuat. Ceterū
in tanto medicamento mira-
culo, & in tanta rerū ignora-
tione audendū aliquid est, &

*Quid nostri valeant hume-
ri, quid ferre recusent,
periclitandum.*

Vnguenti v-
sus frequēs.

Et sane exploratum apud
omnes fere gentes videtur,
adhibito Vnguento sympa-
thico, gladioque tantum il-
lito,

lito, vulnus sanari : sanitatem vero acceptam referri
POSSE vnguento sua vi ac naturaliter agenti, illud argumento est, quod non tantum id videatur miraculū, vt vel a natura, vel ab arte ad bonos malosue daemones sit prouocandum. Nam & natura suis tantum viribus freta atque munita, & ars propria, non a daemone accersita, industria sexcenta creat ac gignit, quae similem nobis admirationem mouent. & vt naturalia primo aliqua in medium afferam, quibus veluti in dissertationis limine informem
eru-

Naturae mi-
racula.

I
Magnes.

erudiamque Lectoris ani-
mum ad vnguenti naturam
deinde cognoscendam,

Quid mirabilius Magne-
te (obsecro te, Lector, caue-
fis in iudicando curiosus:
omnia, si lubet, perlege, ac-
tum meo scripto censoriae
seueritatis notam libere, &
plane stoice inure. Quid, in-
quam, mirabilius magnete,
aut ferro magneti affricato
ad polum, vel stellas ei pro-
ximas, montesue magneti-
cos sese perpetuo conuer-
tente?

2
Terra Nyli. Quid mirabilius Nyli ter-
ra, quae exiccata illa quidem
ac diligenter asseruata, eo-
dem

dem semper pondere grauis
est; ad xv i i. vero diem Iu-
nij nullius rei accessione se
ipsa ponderosior euadit?

Quid mirabilius Fulmi- 3
ne intacta vagina ferrum Fulmen.
absumente, aut intacto fer-
ro vaginam; nummos illae-
sa crumena, integro dolio
vinum, pannos pyxide ar-
marioque incolumi?

Quid mirabilius igne 4
montis Heclae, qui stupa Ignis Heclae
extinguitur? aut mōtis Chi-
merae, qui foeno? aut Co-
loniae Vibiorum, qui pan-
nis?

Quid mirabilius *Horrida* 5
Harpasi caute, quae uno digito Cautes Har-
pasi.
mo-

mobilis est, eadem, si toto corpore impellatur, resistens?

6

Herba Bengala.
galac.

Quid mirabilius herba, in insulis Bengala & Zeirano nata, quae ligna ad sese ea vi allicit, vel potius trahit, ut ea ex hominum manibus abripere videatur?

7

Medulla ferrea.

Quid mirabilius Iauae maioris arbore, cuius medulla ferrea est, fructus ferro impenetrabilis?

8

Arbor Pudifica.

Quid mirabilius arbore illa, Pudifera iure appellata, quae rerum accessum videtur sensu percipere? Nam appropinquante homine vel animali, ramos constringit, recedente pandit. Idem quo-

quoque spongiam facere
confessum ac receptum est.

Quid mirabilius Aeschy- 9
nomene Apollodori herba, Apollodori
herba.
quae tangentem manum
refugit foliorum contractio-
ne?

Quid mirabilius Mimosa 10
hortensi, quae manu admo- Mimosa hor-
tensis.
ta senescit, reuiuiscit remo-
ta?

Quid mirabilius Insulae 11
Cimbubon arbore, cuius Arboris folia
motu praedi-
ta.
frondes si decidant, non
actae, impulsaeque, sed sua
vi repunt, suisque quasi pe-
dibus; manu aut stilo tactae
abeunt ac refugiunt?

Quid mirabilius arbore 12
Malaccae ar-
bore.

B in

in Malacca, cuius radices ad orientem solem vergentes venenis medentur; quae vero ad occidentem, ipsissima venena sunt? quod ipsum de arborum folijs in Insulis Philippinis literis proditum est.

13

Arbores serpenterae.

Quid mirabilius Americana arbore serpentifera? ferunt enim in Chile frigidissima Americae prouincia arborem esse, in cuius folijs vermes nascuntur, qui cum inde decidunt, serpentes fiunt.

14

Arbores anatiserae.

Quid mirabilis anatiseris Scotiae aut lignis aut arbutis? in ea enim prouincia, vel

vel potius in Hebridibus Insulis Scotiae adiacentibus arbores lignaque sunt, nauim fragmenta, ex quibus vermes pululant, qui paulatim enato capite, pedibus, atque alis in anatas vertuntur.

Quid mirabilius Cane ca- 15
nicidas, nunquam antea a <sup>Genis natu-
ra.</sup> se visos, allatrante?

Quid mirabilius Agno 16
Scythica? Profecto (<sup>Agnus Scy-
thica.</sup> vtor Scaligeri verbis) Superiora
ludum putes, praeterea est admi-
rabilis Tartaricus frutex. Tar-
tarorum Horda primaria Za-
uolha est, vetustissimae nobili-
tatis commendatione: In eo agro
serunt semen seminis melonis

B 2 simil-

simillimum, sed minus oblongum. Ex eo sato plantam exire, quam Borametz, id est, agnum vocant. Crescit enim agni figura ad pedum fere trium altitudinem, quem pedibus, ungulis, auribus, toto capite, praeterquam cornibus repraesentat. Pro cornibus pilos gerit singularis cornu specie. Obducitur corio tenuissimo: cuius detracti usus ad capitum tegmina incollis. Ferunt internam pulpam gammari referre carnes: Ceterum e vulnere quoque sanguinem emanare: Dulcore esse admirabili: Radicem humo exertam surrigere ad umbilicum usque. Illud miraculi fouet magni-


Miracula.

gnitudinem: Quamdiu vicinis
 obsidetur herbulis, tamdiu vi-
 uere quasi agnum in laeto pa-
 scuo. absumptis illis tabescere
 atque interire. Idque non solum
 vel casu vel tractu temporis,
 sed etiam experiundi gratia,
 subtractis, atque ablatiis euenire.
 Quin illud auget admirationē:
 appeti a Lupis eum, non item
 ab alijs, quae carne vescantur.

Quid mirabilius remora 17
 vere pisciculo currentē na- Remora
 uim, velis, remisque actam
 immo tempestate ac procel-
 lis iactatam solo carinae ad-
 haesu illico sistente?

Quid mirabilius alio pi- 18
 sciculo nauim non modo Remora In-
dica.

B 3 si-



fistente, verum contra vim
 cursumque ventorum retro
 inhibente? Audi si lubet
 Linschottan. in Nauigatione,
 auctorem fide dignum.
*Navis ex Mozambique tendēs
 per quatuordecim dierum spa-
 tium vento secundo, nihil ob-
 stante retrocessit: Cumque an-
 xij nautae causam inquirerēt;
 & veneficia suspicarentur, pi-
 scem tandem sub navi inuene-
 runt, qui navim in tergo con-
 tra venti appulsum natando
 portauit. Hoc autem magna
 cum difficultate depulso, rectum
 statim cursum tenuerunt.*

19

Clauicula in
 vesicam pe-
 netrata.

Quid mirabilius ferrea
 clauicula ex ore in vesicam

il-

illapſa? penetratis nempe
exilibus meſeraci venis, cō-
pacto iecinore, denſis du-
rifque renibus, ſolidis & acu-
tiſſimo ſenſu praeditis vre-
teribus: & quod in admi-
rationem omnium maxi-
mam ſtupidiſſimum quem-
que traducere poteſt, quid
mirabilius ferrea huius cla-
uis in veſicam ingreſſu?
adeo mirandum hoc eſt, vt
minus (dicere auſim) ad-
mirarer, ſi ea in veſica ge-
nita eſſet.

Quid mirabilius muliere
eo vrinae profluuiio labo-
rante, vt vno die ducentas
vrinae libras fecerit, ab om-

20

Vrinae pro-
fluuij mira-
biſtoria.

B 4 ni

ni tamen potu abhorrens?
Mirabilis aequae & incredi-
bilis morbi historiam, a Ga-
briele Fonseca medico Vr-
bis primario mihi tibi-
que Lector, scriptam, hic habes:
*Nobilis Monialis ex praeclara
familia de Franchis tempera-
menti ab ortu calidi, & sicci
annos nata 27. cum varijs af-
fectionibus vexaretur tandem
anno sal. 1637. Mense Mar-
tio incidit in admirabile uri-
nae profluvium, cum subin-
de una die excederet mictu
quantitatem ducentarum libra-
rum, eratque urina valde te-
nuis colore & substantia aquae
persimilis in qua innatabant ali-*
quot

quot flosculi instar nivis ; & quod non minus admirabile in tanta urinae profusione observatum fuit , cum hoc urinae profluvio aliquibus diebus perseverante, omne potus genus ita vehementer abhorrebat, ut me potum ipsi suadentē (ne tota in urinam liquefieret) odio prosequeretur, lacrimasque hac de causa effunderet , curantique Medico irasceretur , quod me ad consultandum vocasset . Fuit simul accersitus Excellētissimus Benedictus Auerrhinus insignis Urbis medicus, adfuit etiā Excellētissimus medicus Io: Iacobus Baldinus fama in Urbe & in orbe clarus medicus ordinarius.

Vere miraculum .

Præclarissimus Zachia etiam interfuit curationi .

dicti Monasterij nuncupati de Campo Martio. haec tamen transactis aliquibus diebus conualuit. Haec eadem monialis duobus transactis mensibus incidit in omnimodam Urinae suppressionem siti tamen ingenti flagrabat cum ipse curationi praecesset, quia Roma aberat medicus ordinarius, nihilque minxit per spatium quatuordecim dierum, tandem Usu spiritus terebinthi Urinam copiosam reddit, reiecta cum Urina materia sabulum calcemque referente. *Gabr. Fonseca Med. Rom.*

21

Pyrri digi-
tus: dmirab.

Quid mirabilius Pyrrhi Epirotharum Regis digito cum lienosos tactu sanante,
cum

cum ignis omnem a se iniuriam arcente? Vim lienosis salutarem naturae acceptam referendam esse, vel Reges Galliarum declarant, qui omnes tactu strumis medentur.

Regum Galliae mira vis

Ignis vero repellendi vim ab eadem natura manasse, illud argumento est, quod plurima sint, quae ignibus non absumantur.

22

Vt Linteum ex amianto, quod ardens in focis fordes exuit, splendetque magis, quam aquis saponeque absterfum.

23

Linteū ignē eludens.

Vt Regum funebres tunicae ex albestino, quibus
co-

24

eorum corpora obuoluta
comburebantur, vt ab reli-
quo cinere separarentur.

25

Castellū ac
Turris ab
igne non
acta.

Vt Castellum ligneum a
Caesare in Gallia Cisalpina
igne frustra oppugnatum.

26

Vt lignea Turris ab Ar-
chelao Mithridatis Pōti Re-
gis praefecto contra Syllam
extructa.

27

Salamand: a.

Vt Salamandra, quae nō
solum ab igne non laeditur:
*sed eum nulla sui laesione ta-
ctu extinguit non alio modo
quam glacies.*

28

Vt (quod magis ad rem
pertinet) serua Aethiop: &
rusticus Picenus, de quibus
certissima narrare, vt me
non

non piget; ita verissime narrata te, Lector, ne taceat audire. Rodericus Fonsēca, magnae estimationis medicus, dum Pisī medicinam profiteretur, seruan-
emit Aethiop. operae domesticae, causa, quae, cum luberet tractabat ignem, carbonibus nulla sui laesione manu oreque sumptis. Rem narro mihi narratam a Ga-
briele Fonsēca Roderici nepote & medico Romano praestantissimo: quam me-
hercule adscribere non auderem, nisi vir spectatae fidei mihi nuper testatus esset, se periculum sex enties
fe-

Mulier ab
igne non
laesa.

fecisse aperteque vidisse, carbones eam vere candentes compressa in pugnum manu tandiu tenuisse, dum pene extinguerentur, nullo plane ignis vestigio in manu impresso.

Mulier ab
igne non
laesa.

Mihi vero haec scribenti (vide obsecro, quid tulerit casus) haud absimile videre contigit: nam cum in Nosocomio Sancti Spiritus curandis aegris pomeridianam operam nauarem, vidi mulierē & ipsam Aethiop. quae vere mendicans, ut frigoris vim depelleret, carbones maxime candentes e foco illo praegrandi, quo vale-

letudinarium incalescit, in
proximum terreum foculū,
quem secum ignis subripiē-
di causa gerere solet, nuda
manu asportabat. Ipse vero
re, quam animo tum cala-
moque voluebam, mirum
in modum commotus, sta-
tim illuc aduolauit, rogauit
que mulierem, vt, me pro-
prius inspectante, carbones
nudis manibus tractaret: di-
cto paruit, sumpsitque plu-
rimum ignis illaesis mani-
bus. Postridie adfuit summo
mane, iterum facinori pro-
pta, proposito externa die a
me praemio. quid multis
opus est? Ipsa manibus ge-
mellis

Animaduert.

mellis ijsque cauaticis veluti
ferreo batillo ignis aceru-
lum e foco sumebat asporta-
batque, vt die praeterita in
proximum terreum foculū:
quod ipsum singulis prope
diebus, cum igne indigeret,
eam factitasse, testabantur
omnes, qui apud Valetu-
dinarium seruiunt. Quae
cum ita sint, non est, cur
ficta & commenta fabula
habeantur, quae de Picente
vulgo feruntur, quaeque
mihi sunt penitus explora-
ta.

30

Monstri simi-
le Picenis fa-
cinus.

Et quidem vulgare in
Piceno est & omnino per-
uagatum, Martinum Cec-
cho-

chonem ex oppido, vulgo
Monte Lupone, manu ignem
carboneſque candentes &
fumere, & diu multumque
tenere, in oſetiam iniicere,
iniectos dentibus conterere,
palatoque extinguerẽ; ano
veluti balanum inferere, na-
tibus nudis pedibusque cal-
care, linguam feruente lar-
do, vt aſſam carnem con-
ſueuimus, diu perfundere;
candelam ardẽtem exertaẽ
linguae ſupponere, aliaque
agere, quae monſtri familia
ſunt, & plane inaudita. Sed
vere, vt ait Cicero, *nihil eſt
tam incredibile, quod non dicẽdo
fiat probabile*. Ego ſane pri-
C ma

facinoris re-
stes .

ma fronte fabulosum id arbitratum fui, etiam si per literas de re certior fierem tum ab alijs compluribus, tum maxime a Capuccinis Viris, quos esse ab omni furo mendacio & iactatione alienos notissimum est: re tamen diligentius quaesita, omnem ipse mihi sustuli dubitationem. Nam Fratri Nicolao Accursio e Franciscana familia, amicissimo viro misi, ut Roma Tolentinum reuersus, Montem Luponem iret, hominem conueniret, remque diligenter penitusque cognosceret. Is vero scriptis nuper ad me
li-

literi testatus est, se quadri-
duo rem explorandam dili-
genter fideliterque curasse,
atque a viris ingenuis ocu-
larisque testibus ea omnia
accepisse, quae a me supra
scripta sunt. Martinum ve-
ro seducendum in Franci-
scanorum monasterium,
& ad caenam inuitandum
per amicos curasse: qui, cū
de re suspicaretur, renuit
prorsus, domum se abdedit,
foresque occlusit. recusat
enim nunc ignem tractare,
a Cenforibus Catholicae Re-
ligionis caute sibi cauens.
Idem se iterū ac saepius vi-
disse, testatus est Ioannes

C 2 Fran-

Franciscus Basuechius Iure-
consultus Martini popula-
ris: testatus, inquam, literis
ad Iosephum Paradisum
medicum a Montalto pau-
cis ab hinc diebus Romam
missis, & apud me asserua-
tis. Id, Lector, non aude-
rem literis prodere, menda-
cij suspicionem reuerens,
nisi in agrum Picenum om-
nino peruulgatum, atque

*Omnibus & lippis notum &
tonforibus esset.*

31

Interfecti sā-
guis resolu-
tus.

Quid mirabilius concre-
to iam interfecti sanguine,
ac pene congelato, aduen-
tante homicida, resoluta &
fluente? Neque est, cur mi-
nus

nus credulus ludum haec
iocumque dicas, quia duo
tibi narrabo & mirabilia, &
verissima, quae re vel Thi-
moni Nicaeo hominum
obstinatissimo persuaderet.
Primum est Caesenatis pue-
ri, a patre interfecti. Nam
Iulianus Malacaua, olim
faber ferrarius, mox decu-
rio, cum mulierem ardentem
amaret, nec alia se ratione
voti compotem fieri posse
intelligeret, quam inito cum
amasia matrimonio, de
vxo-
ris nece cogitavit. La-
queoque igitur facinus aggres-
sus eam vtero grauem
strangulauit. Triduo post,

Facinus im-
mane.

C 3 re

Congelatus
sanguis resolu-
tus .

re patefacta , puer e caeso
matris vtero extractus , ad-
ueniente patre , qui , ne in-
culpa & suspicione criminis
poneretur , rusticationem
simulauerat , sanguinem ex
naribus effudit tertio nonas
Februarij MDCXXXII. vt
constat ex historia fide pu-
blica consignata , & Caese-
na ad me nuper missa . ex
quo sanguine effuso suspi-
cione de homicida Praetori
iniecta , in carcerem is vin-
culaue coniectus fuit , &
quaestione habita , rem om-
nem fassus est , laqueoque
suspensus x i i . Kal . Decem-
bris MDCXXXIII.

Al-

Alterum, quod subijciam, 32
non occisi hominis & homi-
cidae, sed (quod magis
mireris) nouam ac mirabi-
lem, certe non adhuc ani-
maduerfam inter homines
sympathiam declarat. Ete-
nim mense Iulio superioris
anni MDCXXXVI. Iose-
phus Petri Pauli Peregrini,
ad Diuum Augustinum bar-
bitonforis, filius flumine
abrutus octiduo latuit: heb-
domada vero elapsa e Tibe-
ri emerfus, secundoque flu-
mine vectus *ad Arcum Par-*
mae (sic enim cloacam ap-
pellant e regione molis Ha-
driani) ab ijs, qui in Tiberi

Sympathiae
potius quam
antipathiae
historia.

natabant, delatus fuit semi-
putridus, ac pene informis,
sanguine exhausto, spiritu
extincto, & corpore fere
omni putredine confecto.
Adueniente vero fratre ger-
mano, sanguinem ex amba-
bus naribus effudit, omni-
bus, qui aderant, miraculo
stupefcentibus. Haec, Le-
ctor, non ex Aphrannis aut
mulierculis audiui; sed cum
ex alijs oculatis testibus, tum
ex ipso defuncti fratre co-
gnoui sub eisdem dies, qui-
bus sanguis profluxit.

33

Vere mon-
strum.

Quid mirabilius (re di-
spares historias, miraculo
tamen pares adscribo: mira-
bi-

biliores interdum nō aeque
mirandis subijcio, interdū
e contrario minus mirabiles
mirabilioribus, neglecto fe-
re dignitatis ordine, quem
seruare & difficile & inutile
esset.) Quid, inquam, mi-
rabilius pileato ac palliato
puero Paderbornae nato?
Fertur enim haeretica mu-
lier, cum odio plusquam
yatiniano Catholicos prose-
queretur, & vbique obuios
maledictis vexaret, puerum
peperisse pileo, pallioque
Catholicorum more vesti-
tum.

Quid mirabilius vulnere 34
thoraci infantis, vtero ge-
stati

Vulnus miri-
ficissimum.

stati inflicto, gladio tamen non pueri, sed grauidae matris thoracem vulnerante.

35 Quid mirabilius alio vulnere foetus fronti, in vtero adhuc latentis, vere illato (nam ex eo vulnere nimio sanguine fluente interiit) illato, inquam, ab irato patre, matris fronti stricto gladio solum minitâte? Vtrumque sane scribunt probatissimi auctores, Gemma, Fienus, Derlius, ceteri.

36 Quid mirabilius lapideo foetu e caeso matris vtero educto? Apud Senones enim mulier ex viro grauida, cum xxviii. annis in aluo
ge-

gestasset, foetum duravit in lapidem.

Quid mirabilius Leonis
Decimi Pont. Max. gemma,
quae Lunae colorem lumē-
que aemulata, albescit ac
splendet, crescente Luna;
senescente vero, obscuratur?

36

Gemma lu-
naris.

Quid mirabilius Clemē-
tis VII. Pont. Max. macu-
loso lapide, cuius macula,
non fixa, sed lubrica & mo-
bilis, vereque solis pedise-
qua, ab ortu ad occasum as-
sidue com meat?

37

Gemma so-
laris.

Quid mirabilius carne,
lignoque fossili? Quod si
fraudem illam imposturam-
que censeas, veritatem ip-
sam

38

Caro & li-
gnū fossile.

sam hoc existimes necesse est. Nam Aquaspartae Umbriae oppido lignum, ut Tiburi lapides, e terrae visceribus effoditur versicolore, variegatum, & in vermiculatum opus non secus ac ebe-nus elaborandum.

39

Specus ser-
pentum in
Etruria.

Quid mirabilius Spelunca serpentum ad oppidum, vulgo *il Sasso*, difficillimos quosque morbos, paraly-sim, lepram, elephantiasim, arthritidē, luem veneream (re ductus hoc affirmo) tu-mores, doloresque varios & acerrimos sanante? sanante, inquam, tum vapore tepi-dolenique, tum serpentum
ma-

magna copia, qui nudatum
aegrum, opioque sopitum
(obdormiscunt enim opio,
qui specum valetudinis cau-
sa ingrediuntur, vt horribi-
lem serpentum aspectum,
per vniuersum corpus com-
meantium, ferre possint:
nonnulli tamen magis cor-
dati a terribilibus bestijs mi-
nime sibi metuentes, opium
somnumque negligunt) cir-
cumeunt, contegunt, lin-
gunt, & omnem morbi la-
bem abstergunt penitusque
exugunt. Mirabilis profe-
cto res est, & literis monu-
mentisque consignanda:
quam ego pluribus longius-
que

Petrus Bourdelotius medicus.

que prosequerer, nisi Petrus Bourdelotius Parisinus, medicus ingenio ac literatura eximius, superioribus mensibus huius eiusdem anni 1637. vniuersam eius Etruriae partem, quae Roma, Nauale Caeretanorum, inde Barcennum, Alsiumque porrigitur, peragratus, specum accurate inspexisset, loci naturam explorasset, singula quaeque notasset, & peculiarem elegantemque dissertationem conscripsisset, in vulgus proferendam.

40

Animal in saxo genitum.

Quid mirabilius bestiola, in praeduri minimeque peruij lapidis viscere nata? Explo-

ploratum enim est, e magno, durissimo, compactoque lapide scisso bestiolam prodijisse, non e suae speciei seminario, sed ex materia, humoreque intus latente, atque vi extrinsecus influente genitam.

Quid mirabilius Rana ex aquae gutta siccoque pulvere temporis momento nata? 41
Constat enim terram assiduis folibus coctam & perustam, mistamque humori e nube guttatim expresso, in ranam illico formari, proflire, ac saltare; formato statim capitulo, pediculis, corpusculo, omnibusque partibus.

ticulis mirabili celeritate elaboratis, expolitis, perfectis.

42

Quid mirabilius serpente, in sinistro cordis ventriculo nato? Epitomen huius historiae ab Edoardo Maio Britanico sermone scriptae, ita concinnauit Latineque reddidit Riccardus London Londinensis, vir medicina, Graeca, Latinaque literatura eruditus, & apud nostrum Nosocomium Sancti Spiritus medicus Adsisitens. *Nar-*

Serpentis historia mirabilis.

ratio certissima de monstro quodam seu serpente, in sinistro cordis ventriculo inuento Londini in Anglia 7. Octob. 1637. aperto cadauere Ioannis Pennanti aeta-

aetatis suae xxxi . Vesicam inuenis purulenta & ulcerosa materia plenam , parte superiore ruptam omnino corruptam inuenimus . Ren dexter penitus consumptus , sinister ad duorum instar tumefactus , saniosa insuper materia refertus fuit . Intus partes carnosae radicitus exesae , tunicisque exterioribus exceptis , restabat nihil . Hepatis portio membranis costalibus adnascabatur . Pulmones non illaudabiles . Cor globosum , magis latum quam longum , dexterum ventriculū coloris cinerici corrugatum marsupioque coreaceo absque pecunia simillimum , sed intus omni materia expertem reperi-

D mus :

mus : liquor ille pericardij funditus exiccabatur . Sinister cordis ventriculus triplo grandior dextero extitit , duritięque lapidis praese ferebat, in quo incisione facta sanguis affatim effluxit , carnosaque quadam substantia plicis insimul inuoluta serpentis similitudine videbatur : corpore erat albo , imo albissimo cutis humanae colorem aemulabatur , sed cute lubrica , pellucida & quasi pigmento oblita . Crura ramique carnei coloris fibrae etiam ligulae nervi aut quocumque alio nomine insignire placuerit, inuenta fuerunt . Corpus stilo perforatum concavum, sed alias solidum ad longitu-

gitudinē palmae Romanae minoris habuit: intestinum in super, vena, arteria, aut ἀνάλογόν τι ὕψους naturae inserviens in hoc monstro repertum fuit .

Quid mirabilius haedera 43
in ceruae conu nata ac vi- Haedera mi-
rabilis .
rente ?

Aut spica farris e ' naso 44
Aretinae mulieris tanquam Spica mira-
bilis .
e pingui agro prodeunte ?

Quid mirabilius arbore 45
multis ramis folijsque in A bor miri-
ficissima .
thorace Hispani hominis vi-
rescente ? Quod sane asse-
re non auderem , nisi Illu-
strissimus vir spectatae fidei,
prisci moris, & magnae eru-
ditionis historiae epitomen.

D 2 fide

fide publica consignatam, mihi communicasset: quae huiusmodi est: Roccus Martinus Hispanus, ex oppido vulgo *Orea*, annum agens duodeuigesimum ex arbore lapsus, pruni siluestris spinum offendit, qui, cum altius in thoracem penetrasset, intus haesit. Ergo diu latens paulatim eo humores attraxit, tumorem concitauit & apostema: quo maturato sectoque, & magna puris vi expressa, ille equiseti simillimus iam factus, hoc est multis filis veluti radicibus actis; penitus defixus haerebat, nec a chirurgo prae

prae dolore vlla extrahendus arte. Itaque chirurgus eo intus relicto ad sanandum vlcus & cicatricem obducendam animum manumque conuertit. Temporis processu. (vide naturae miraculum) e thorace spinus sensim & sine sensu prodire caepit, augescere, virere, & ramulos frondesque emittere, non secus ac si in pingui & foecundo solo infitus esset: e cuius trunco decisus ramulus apud Illustrissimum Virum asseruatur, Romam vna cum fidelissima historia Didaco Iaguez Hispano missus hoc

Vere miraculum.

D 3 co-

eodē anno MDCXXXVII.

46

Haftenus na-
turae miran-
da.

Iam vero si taedeat natu-
rae miracula diutius con-
templari, lubeatque artis in-
dustriam, operaque summo
facta artificio internis, vt
aiunt, oculis intueri, con-
uerte, obsecro te, animum
ad Archimedis sphaeram,
in qua

Artis mira-
cula.

*Inclusus varijs famulatur spi-
ritus astris,*

*Et viuū certis motibus ur-
get opus :*

Archimedis
sphaera eius
de speculū.

*Percurrit proprium mētitus si-
gnifer annum,*

*Et simulata nouo Cynthia
mense redit.*

*Iāque suum voluens audax
in-*

De Vnguento Armario. 55

industria mundum,

*Gaudet & humana syde-
ra mente regit.*

Conuerte animũ ad eius- 47
dem Archimedis speculum
e longinquo Romanorum
classem comburens.

Ad Iliadem Homeri, mē- 48
branula scriptam, inclusam-
que nuci. Homeri
Ilias.

Ad Architae Terentini li- 49
gneam columbam, quae ea
elaborata fuit industria, eo
facta, inflataque artificio, ijs
ponderibus librata, vt viuae
volatum imitaretur. Architae co-
lumba.

Cóuerte animum ad na- 50
uim quadrigamque non-
quidẽ Serapidis, quae licet Nauis & Qua-
driga Myr-
mecidae.

D 4 fer-

ferrea grauiissimaque nullis
tamen alligata vinculis, sed
suis librata ponderibus in
medio templi pendeat;

51 Sed ad Myrmecide, qui
eam quidem ligneam extru-
xit, prora, puppi, clauo, ca-
rina, ancora, cordisque di-
stinctam; remis, ac remigi-
bus ornatam; velis, arbori-
bus, ceterisque munitam;
adeo tamen pusillam ac mi-
nutam, vt apiculae pinnis
vniuersa tegeretur.

52 Currum fabrefecit nume-
ris omnibus absolutum, qua-
tuorque ornatum equis, quē
musca alis vndique operie-
bat. Fabulosa putas haec ab
an-

tiquis desumpta, tanquam
antiquitate solum fidem his
& auctoritatem afferente?

Conuerte animum ad vi- 53
treum globum Drebellij, in
quo purissimo quodam li-
quore immisso, additisque
nonnullis mirabilis olei gut-
tulis, chaos primum, dein-
de paulatim secretis partibus
elementa in globum circū-
fusa distincte aperteque ap-
parebant: mox purior quae-
dam lucidiorque liquoris
pars, supra elementa cir-
cumuecta concresebat, so-
le, luna, sideribusque vesti-
ta: quae non extrinsecus
adhibito instrumento, sed
spi-

spiritu intrinsecus permeante, mirabili constantique vertiginē acta, coelorum motum prodigiose referebant.

54

Alberti M.
caput.

Conuerte animum ad lignum Alberti Magni caput humana voce loquens.

55

Seuerini statua.

Ad statuam a Seuerino Boetio Rauennae eo artificio factam, vt quasi solis aemula in orbem sua vi ex oriente in occasum assidue moueretur.

56

Antiquorum
lucerna.

Ad exiguam antiquorum lucernam, mille & septingentos annos perpetuo ardentem.

57

Ad imaginem cuiusque simil-

simillimam ab caeco scul-
tore ex argilla expressam.
Scio complures existimatu-
ros, rem commenticiam ef-
se ac vere fabulosam. Et me
quidē puderet id literis tra-
dere, nisi Romae nunc no-
tum omnibus esset, ac per-
uulgatum. Ioannes Gam-
balsius Volaterranus a pri-
ma adolescentia ad vigesi-
mum vsque annum cum
magna sui nominis celebri-
tate statuaria exercuit: mox
oculis captus, decennio ia-
cuit ociosus & nunquam
operarius: assidue tamen
toto animo rationem cogi-
tans, per quam gloriam,
sta-

Caeci sculp-
toris opera.

statuaria sibi partam, aut retineret aut reuocaret. Itaque aciem, quam morbus a consuetudine oculorum abduxerat, menti ingenioque adiunxit, & exacuit adeo, ut facinus aggressus sit ex omni aetatum memoria inauditum. Cosmi Etruriae Magni Ducis effigiem ex argilla sibi fingendam suscepit, exemplo sumpto ex marmorea Cosmi statua manibus contrectata: quam quidem adeo similem expressit, ut quisque tanquam nouo artis miraculo stupidus haeserit. Is ergo operis praestantia, & secunda omnium

Etruriae Ducis effigies.

ac-

acclamatione excitatus, Romam venit superiori anno MDCXXXVI. ut in hoc virtutum omnium theatro suae artis specimen ederet.

Et primo quidem Urbani Octavi Pontificum Max. sta-

Urbani VIII.
P. M. effigies

tuam ad summam usque similitudinem omniumque admirationem protulit, Urbanoque dono dedit: mox

Ducis Barcenni, Equitis Gualdi ac ceterorum. Im-

Bracciani Ducis
statua.

mo, cum ad Diui Honufrij in Ianiculo aegrotaret, mihi medicinam sibi facienti, saepe opificium suum professus fuit: renui prorsus, ne tam praecclaro opere opella mea

com-

compensanda videretur. Cū
vero plerique tanto miracu-
lo stupefcentes, de simulata
caecitate suspicarentur, in
occluso & caeco cubiculo
platen exercere iussus fuit:
quam cū similitudine per-
fectam edidisset, & venusta-
tem illam faciei cuiusque
propriam mire expressisset,
certam speciem, vultum
grauem, comitemue, hila-
rem, aut tristem, &, vt ver-
bo dicam, vere loquentem,
& pene reconditos, cuiusque
mores indicantem effinxis-
set; suae artis praestantiam
omnibus persuasit. Rem
autem apud Philippum Sa-
ra-

racenum publicum Tabe-
lionem testati sunt complu-
res locupletissimi, & oculati
testes, vt ex literis publicis
futura saecula miraculum
crederent.

Facinus pu-
blicas literis
cōsignatur.

Conuerte animum ad ar-
tem memoriae, qua iuuenis
corficustriginta sex millia,
nominum, latinorum, grae-
corum, barbarorum, signi-
ficantium, nihil significan-
tium, & inter sese nihil co-
haerentium eo plane ordine
reddebat, quo semel acce-
perat, nusquam prope infi-
stens, nusquam haesitans:
quodque admirabilius est,
ab vltimo incipiens sursum
ver-

58

Memoria
omniū maxi-
ma.

versus perueniebat ad primum; rursus ita ut primum, tertium, quintum, & sic deinceps omnia diceret: immo vero vel anno elapso eodem ordine, & quo quisque alio vellet, omnia repeteret.

59

Telescopiū
mirabile.

Conuerte animū ad Telescopium, aliaque mirabilia specilla, quibus ars ita fallit oculos, ut remotissima propinqua referat, minima reddat maxima, adeo ut milij granum omnino exiguum cedrum exhibeat amplissimum.

60

Aquila Regi
montani.

Ad Regiomontani aquilam ligneam, quae Maximiliano

liano Caesari Norimbergā
venienti mirabili volatu
obuiam processit, eumque
leni suspensoque volatu in
Vrbem prosequuta est.

Ad ferream eiusdem mu. 61
scam, quae cum ex eius ma- Eiusdem mu-
sca.
nibus euolasset, & in orbem,
hospitibus quasi salutatis,
per cubiculum oberrasset,
reuolauit eo, vnde euolauit.

Adeburneas pateras mil- 62
le & sexcentas, in piperis Osualdi pa-
terae ex ebo-
re.
grano, torno elaborato for-
matoque in pateram inclu-
sas. Nam Osualdus Nor-
hingherus Sueus Torcuta,
omnium qui sunt quique
fuerunt praestātissimus (id
E enim

enim existimandum est ex opere supra humanam credulitatem, vires certe sedulitatemque humanam) pateras mille & sexcentas ex ebore torno fecit, perfectas illas quidem, & numeris omnibus membrisque absolutas: adeo tamen paruas & minutas, adeo exiles ac tenues, ut omnes (mirabile dictu, mirabile factu.) calice vel potius caliculo, ex vulgaris piperis grano torno facto, includerentur. Mirabile hoc opus Germania Romam secum adsportauit Ioannes Carolus Schada Mitelbrach, sedete Paulo V.

Pont.

In piperis
grano inclu-
fac.

Pont. Max. Vidit autem cōspicillo paruitate pene inuisibiles, atque adeo numeravit tum quiuis alius (facta enim fuit vnicuique videnti facultas) tum maxime, Gaspar Scioppius, & Ioannes Faber Bambergēsis medicus Romanus.

Ad ligneas bombardas, 63
curru munitas, rotis instructas, ornatas denique omni apparatu bellico vsuque necessario, minutissimas illas quidem ac tenuissimas: vt viginti quinque numero vna cum triginta calicibus ligneis affabre torno factis in vno eoque mediocri pipe-
E 2 ris

Bombardae
mirabiles.

ris grano includerentur.
Haec paucis ab hinc diebus
passim ostentabat Io. Bapti-
sta Ferrarius e Societate Iesu,
vir doctrina & religione cla-
rus.

64

Steuini cur-
rus.

Ad currum steuini veli-
ferum, quo septemdecim
milliaria duabus horis se-
confecisse affirmat: quem
profecto si quis non equis
ductum, sed actum homi-
nis ingenio vidisset, mira-
culo perculsus ab arte ad dae-
mones stolide prouocasset.

65

Pyxides mi-
rabiles.

Ad duas illas rotundas py-
xides, alphabeto in ora di-
stinctas, eoque artificio fa-
brefactas, ut si huius stylus
in

in centro situs moueatur ad A aut B, alter stylus alterius pyxidis, Persijs verbi causa eodē artificio extructae, ad eādem literā sua sponte conuerteretur. Si hic ad C.D.E. ceterasue, ille huius motum sequutus in easdem literas feratur: adeout cum absente loqui possimus, nulla aut voce aut scriptura intercedente.

Ad tabulam, in qua aspersi temere videntur colores, 66
Artificiosa
tabula.
vel ea certe ab imperito puero coloribus tincta & confusa, nulla fere arte depicta, in cuius tamen medio, cylindro ferreo politissimo.

E 3 que

que posito, statim in hoc velut in speculo refertur imago simillima cuiusvis, mentis pigmentis fucatisque adumbrati: his nempe, mirabili quadam arte dispositis, hominis adumbrati speciem ad cylindrum emittentibus.

67

Rosa die nata.

Ad rosam ex cineribus vestis solerti tamen & ingenioso artificio excultis & elaboratis, quatuor & viginti horis natam, adultam, perfectamque.

68

Sphaera solis pedisse qua.

Ad stylum aut sphaeram ligneam eamque planam in aquae amphora natantem, & assidue orbico motu conc-

citam; quae nempe exorient sole solem orientem spectet, paulatim vna cum eo in meridiem vergat, & inde in occasum, solis aut aemula aut pedissequa.

Ad musicum illud instrumentum, quod tráquillo, puro, serenoque caelo, lenissima aut potius nullaspirante aura, non artificis manu, sed intrinseco quodacitharaedo ac symphoniaco genio mirabili armonia sonat, sonante altero pari artificio temperatum.

69
Musice in instrumentum mirabile.

Demú ne pluribus tuas, Lector, aures obtundam, conuerte animum ad vul-

70
Miraculum omnium maximum.

E 4 ga-

gata[m] quidem rem omnibusque notam, sed meo iudicio rerum omnium maximum miraculum. Deus immortalis! quid mirabilius bombardae fragore aut ictu? Mentior: quid mirabilius ferrei globi impetu? quavi fertur ponderosus ille globus? quis ei vim impressit in tormento? vel potius quis extra tormētum fouet? Neque dicas, esse *Virtutem impressam*, quae globum pellit fugatque; quia purum id est nomen, nihil me praeterea docens. Scitum namque illud esse vellem, *Vim, Qualitatem, Virtutem,*
Pro-

Virtus impressa refellitur.

Proprietatem generalia quaedam esse nomina, rebus omnibus ignotis ab caeco ignaroque philosopho imposita: quod enim ille nescit, nec villo assequi modo potest, vim, qualitatem, virtutem, aut proprietatem appellat, pulchro nomine suam tegens ignorantiam: immo (quod magis dolendum est) putans ijs nominibus, omnes se quaestiones dissolvere, rebusque omnibus obscuris veritatis lucem afferre. Ego (fateor ingenuè) in volante furenteque bombardae globo nihil animo videre possum nec intrin-

trinfecus ab ignito puluere,
communicatum, nec ex-
trinfecus adhaerescens; ni-
hil mente comprahendere,
quod tam mirabile impetu,
saeuissimo reflante borea,
ingentem ac ponderosum
globum propellat. Id solum
affirmare non dubito, si
bombarda nunc primo ho-
minibus innotesceret, & cū
ingenti tonitru & fragore,
maximo ferreo globo semel
exploso collabentem ruen-
tēque domum videremus,
miraculo stupidi timoreque
perculsi iaceremus, rem
omnem non ad solertiam
artis, sed ad cacodaemonis
rer.

terrícula acceptam referentes. Aer, inquires, ignito puluere commotus impulsusque globum extrudit & propellit. Nugas agis: nam vel saeuissime reflátibus austeris tormentum vi maxima globum euomit ac proijcit: globus eodem impetu volat ac furit. Accedit, quod globo prope nos velocissime, rapideque lato, proximus aer leuiter commouetur: certe non ita, vt nos impelat aut protrudat. Non ergo hic extrudit & exprimit volantem globum. Demum proiecta ab aere commoto & extrudente non ferri, certis

Aer explositur.

Ratio & experientia certissima.

tissimo argumento est turbare verberare actus, qui, flante borea vel aliter in diuersum concitato aere, in orbem mouetur: & sagitta, quae scindit potius finditque aërem, quam ab eo compressa extrudatur.

Sed esto in expellendo nitatur aer, incassum tamen hic agit, *Nec sane proficit huiusmodi*. Nam proiecta res quantum a posteriore extrudente aere impellitur, tantumdem ab anteriore resistente retardatur. Neque aer lapidem subsequens (quae Platonis est opinio) ac, ne detur vacuum, succedens in eius locum,

cum , lapidem mouet , quia
aer satis habet , si impleat , ne
detur vacuum: imo si lapide
moto , aer subit in eius locū;
hic non mouet, sed motum
lapidem sequitur . Aristote-
les ait, antecedentem aerem
a lapide compressum vicinū
comprimere ; ac ne detur
vacuum, subire in postero-
ris locum , & sic proiectum
extrudere . Sed a compres-
so aere proiecta non moue-
ri, illud etiam argumento
est, quod aere magis com-
presso, minus ac segnius pro-
iecta moueantur ; velocius
vero, minus compresso .
Etenim parua pila, batillo
sphae-

sphaeristico verberata se-
gnius funditur, quam reti-
culo acta. Intendas oportet
mentis aciem, vt haec asse-
quaris; exuas aliorum placi-
ta, vt credas.

Secundum
genus mira-
culorum.

Iam vero hisce naturae
artisque miraculis informa-
tus animus, & vtriusque ve-
luti sacris initiatus fidelius in
eis, quae vnguento sympa-
thico similia sunt, deinde
versabitur. Et primo qui-
dem ea sunt accurate ani-
maduertenda, quae ex mu-
lierum malacia summoque
obiectae rei desiderio in-
froctu gignuntur: quorum
aliqua etsi a nobis supra
com-

cōmemorata sunt , quia ta-
men illa miraculo potius,
quam virtutis similitudine
ad vnguentum pertinent,
ideo alia nunc sunt afferen-
da, quae ad vnguēti vim
proxime accedunt.

Ego sane octennem pue-
rum noui , vnguentarij fi-
lium , ac nepotem panis cu-
stodis Urbano viii. Pont.
Max. cui ex matris malacia,
intempestiuoque leporis ap-
petitu in dextera gena lepo-
rinae pellis vestigium im-
pressum est , ipsissimis ani-
malis pilis subfuluis longius-
culis ac tenellis refertum :
adeo vt verius dicerēs auul-
fos

71

Malaciae
exemplum.

Maculae si-
militudo vn-
de.

fos ex lepore pilos genae in-
fitos fuisse, quam ex mater-
na imaginatione adnatos.
Vnde, obsecro, pili color
leporinus? vnde insignis &
maxima similitudo? vnde?
nisi ex influente desidera-
ti leporis vi atque spiritu? Ex
imaginatione, inquires, vehe-
menti grauidae matris. Mé-
dosc: nam mater desiderio
flagrans imprimit quidem
in puero tenello rei deside-
ratae vestigium; similitu-
do vero non ex ea, sed ex
lepore desiderato in vesti-
gium deriuatur. Quare pili
color, tenuitas, laeuitas non
matri, sed lepori referenda
sunt.

sunt. Quod si minus credulus, immo vere fastidiosus rem plane contemnas, praebe aures historiae, quam tibi fidelissime narrabo.

Nobili Matronae Florentinae (nomen autem reticeo incertus, placeat, an displiceat pulchrae honestaeque mulieri rem patefieri) maculatum est dexterum tempus vuae macula, fusca illa quidem, & adeo obscura, ut vix oculis pateat, immo nec vix quidem, nisi diligenter inspectantibus, etiam si in carne candidissima impressa sit. Frondentibus autem ac virentibus

72

Maculae
vuae historia

Mira commutatio.

F

vi-

vitibus, mirum in modum
macula virescēs vel luscioso
conspicua est: foecundis fru-
ctuque exhuberantibus, fe-
re intumescit; mox e viridi
colore paulatim vergit in
flauum, deinde haud obscu-
re flauet, flauente vua ac
plane maturata; demum,
appropinquante hieme, vi-
tibusque pampino nudatis,
prope euanescit, subfusco
solum colore leuiter adum-
brata. Vnde mirabilius hic
maculae motus, color va-
rius & plane inconstans,
constantitamen ac definito
tempore singulis annis cō-
mutatus, nisi ex vitibus
vuis-

vuifq; ardenter defideratis ?

Eodem plane modo Andreae Labiae nobilis Veneti
73 Viri maculae historia.
variat in fignis macula, vniuerfae dexterae genae ex vini rubri defiderio a matre impressa: nam vere attollitur & mire rubefcit appropinquante autumnno vuifque maturefcantibus; facta vero vindemia detumet & paulatim languefcit.

Neque discrepat ab his
74 Mali punici historia.
mali punici fufca macula, nobili mulieri ex malacia impressa quae colorem mutat & omnino rubefcit, rubentibus punicis a matre defideratis.

F 2 Et

75

Verucatum
historia.

Et famulae Principis Cae-
sij magnae ac frequētes qua-
si verrucae in manu extu-
berant, fragis aestate pullu-
lantibus; plane subsident &
euanescent, ijs frugibus hie-
me abolitis: iterum extube-
rant, subsident iterum, ae-
state noua, nouoque hieme
adueniente. Res igitur de-
siderata e longissimo inde-
finitoque interuallo vim
emittit in maculam, foetui
desiderio matris impressā.

76

Vini doli-
as historia.

Haud absimile est, quod
de vino doliare scribunt pro-
batissimi auctores, ac scien-
tissimi vinarij experimen-
to comprobant. Commo-
ueri

ueri illud quidem ac perturbari asserunt, turgentibus in palmite gemmis, nouoque vino pendente: quo in cellarijs condito, denuo clarescere.

Quare non est, cur temere leuitatis insimiles auctores omnium maximus, Aristotelem, & Theophrastum, qui scribunt vrsorum adipem *latebrarum tempore exundantem & intumescentem vasa implere*: nimirum cum vrsi in speluncis hieme latent, eorum adipem in vase asseruatum commoueri & intumescere, spiritu ex uiuentibus vrsis influente tur-

77

Vrsorum adipis historia mira.

F 3 gen-

gentem. neque enim difficilius ex vrsis, quam ex vuis vinoque pendente spiritus emanat, qui alio pertingens alia aliter afficiat.

78

Vulgi per-
uicacia.

Quod si haec a communi hominum intelligentia disiuncta & non adhuc a natura nobis enodata contemnas (nam ea est quorundam peruicacia, ut quae propria intelligentia freti non assequuntur, vel per summam naturae iniuriam negare audeat) quod si expertissimis viris experimenta, aut nugas, obijcias; profecto necesse est, ut non Theophrasto solum proba-

to

to graueque auctore , sed
visu etiam olfactuque inuito
inficieris,

E caepis & allijs in cella-
rio conditis tunc acriorem
acutio remque non efflari
odorem, cum eorum spe-
cies in terra progerminat.
Etenim & Theophrastus &
experimentum testatur, al-
lia caepasque asseruatas ea-
cum propria specie conti-
nuitate coniunctioneque
naturae consociata esse, ut
cum hae tempestiue satae
germinant, illa commo-
ueantur, & veluti spiritu in-
tus alente excitato, acutius
& vehementius oleant.

79

Caeparum
& alliorum
historia.

F 4 Dum

Gallica histo-
ria .

Dum vero haec scriberem, nec adhuc manum de tabula, Illustrissimus vir Franciscus Maria Suaresius Episcopus Vasionensis, cui rudimentum huius disputationis tradideram, duas mihi suppeditavit historias, sibi a praestantissimo Alberto medico Carpentoract. per literas communicatas, vnguento sympathico miris fauentes: quibus ut fides magis habeatur, ipsarum literarum exemplum huc adscribere, operae pretium duco.

Il-

Illustriss. & Reuerendiss. D.D.

DE SVARES

VASIONEN. EPISCOPO.

T *Ractatum de Vnguento
Armario Clarissimi do-
mini Petri Seruij tuo nutu &
gratia perlegi ; Praesul Illu-
strissime . Iubet tua dominatio ,
ut quod de eo sentiam , inge-
nue proferam . Sententia mea
suffragium erit illi gratiosum ,
& fauens , quantum egregios
illustrium virorum conatus so-
leo approbare , & collaudare .
Nihil in hoc genere ornatius ,
nihil eruditius dici posse puto ,
eodem stylo ad huius operis in-
tegritatem duo persequi deside-
ra*

*Censura Al-
berti medi-
ci .*

rarem ; alterum propria aucto-
ris experientia in tanti remedij
confirmationē, alterum eiusdem
remedij descriptionis examen .

Crollius ve-
re superstitio-
sus .

Illam a tanto auctore omnem de-
meret damnatae magiae suspi-
cionem , cuius non est expers
Crollius , qui & pollicetur me-
dendi methodum per verba ,
& carathères , & obseruationes
nonnullas in usu istius un-
guenti , quod vocat sympathi-
cum commendat , quas inanes
& pene futes existimem . Ea-
dem experientia decerneret quae-
stionem , an sit , antequam per-
quirantur eiusdem rei proprieta-
tes , & propter quid , rei exi-
sistentiam certam faceret , quam
alij

alij negant, & solam nobis re-
linqueret admirationem, ut in
pluribus naturae operibus, ve-
luti in puella Massiliensi sex-
decim circiter annorum, quam
ante quadraginta annos novi
pulchram & nobilem. Haec
in prima frontis pilosa parte
morum gestabat ex imaginatio-
ne matris utero gerentis, quod
veris initio, dum eius specie ar-
bores surgunt, intumescebat, &
virescebat, postmodum rubesce-
bat, & nigrescebat, uti eius-
modi fructus ad maturitatem
perfectam pertingere solent, de-
cisis ex arbore fructibus & fo-
lijs, planus remanebat locus ad
proximum ver. Vivit adhuc

eru-

81

Certi histo-
ria.

C3

eruditissimus Doctor medicus
Aptensis Dominus Lelong qui
cerasum eodem modo progre-
diens prope auricularē digitum
defert. Mirari liceat Sympathiā
& veluti dependentiam ani-
malis a Vegetabili. Vnguenti
descriptio satisfaciet quaestioni,
quid sit, ego aliquantulum di-
uersam apud varios auctores
animaduerti. In illius exami-
ne mire eluceret singularis au-
ctoris eloquentia & uberior do-
ctrina, cuius velim esse aemu-
lus, ut et Dominationis Vestrae
Illustrissimae seruus obsequen-
tissimus.

Carpentoracti 2. Mar 1637.

Albertus Med.

Haec

Haec autem cum ita sese habeant, non est, quod aniles superstitiones aut commenta esse existimes, quae a grauiissimis viris de naso arte restituto, deque Apuli aranei veneno commemorantur.

Et quidem satis inter omnes constat, Petrum Boianum, Taliacotium, ceterosque nobiles chirorgos amputatum nasum tum ex propria aegri carne, tum ex aliena non sine magna hominū admiratione refecisse. Ceterū in hac vere miranda chirurgia illud accidit praeter expectationem & opinio-

82
Boiani & Taliacotij mira opera.

nionem omnium, ut nasus,
 ex propria aegri carne re-
 stitutus, nunquam conta-
 buerit: qui vero ex aliena,
 tamdiu incolumis fuerit,
 quādiu alter homo, e cuius
 carne resectus fuit nasus, vi-
 xerit. nam eo mortuo, sen-
 sim contabuit adnatus na-
 sus, ac tabe, & putredine
 confectus decidit. Vnde
 obsecro, portentum hoc &
 miraculum, nisi ex vere
 mirabili & prodigioso spi-
 rituum e viuentē homine
 ad nasum effluuio? Nonne
 hic homo, cum viueret,
 quamuis longissime disun-
 ctus, quandam vim salu-
 ta-

Naturae ve-
 re miraculū.

Mirandus in
 fluxus.

tarem, vitalemque emittebat in nasum restitutum? Quid vero sit haec vis, quomodo e longinquo feratur in nasum, fateor, me plane ignorare, puto in naturae penetrali intime & obscure delitescere, & nobis datum esse, admirari potius, quam nouisse.

Neque vero fide dignis auctoribus abroganda fides est, aut temere renuenda, quae docti ingenuique viri restantur. Ego sane non tantum apud probatos auctores expertosque ea legi, sed etiam a nobili eruditoque viro, & ab omni fucō alie-

*Cōfirmatio
historiae.*

alienissimo accepi, Panormitanum Equitem multos annos habuisse nasum e famuli carne restitutum; hoc vero mortuo, eundem amisisse.

83

Apuli aranei
historia.

Quid dicemus de vi illa plane mirabili, quae ab araneo (tarantulam Apuli nominant) in commorsum hominem e longinquo deriuatur? nonne constat, commorsum ab araneo singulis annis sub idem tempus, quo impressum fuit venenum, iisdem symptomatibus corripitur, donec araneus moriatur? nonne eo mortuo, cantamine quodam arteque

ac-

accerfito, paulatim contabescens impressum venenum tandem aboletur? Vana, dices, sunt haec, futilia, & aniles fabulae. Vana igitur putes, necesse est, vinum, vuam, malum punicum, fraga, cerasum, morum, allia, caepas, aliaque huiusmodi sexcenta, quae a vi & energia, e longissimo interuallo deriuata, aperte commutantur, quaeque actionem nobis in distans attestantur. Immo vero necesse est, vt Timone Nicaeo obstinator, exhausto sapientis rubore, nec sensui nec experimen-

Firmatur historia exemplis.

Timon Nicaeus hominum obstinatissimus.

G to

to credendum putes .

Cur huc congestae tot hi
fiariae?

Quorsum, inquires, haec ?
Quorsum tot tantaque naturae, artisque miracula, huc quasi in fastidium adducta ? nempe, ut intelligas, naturam plurima in rerum vniuersitatem, atque in hominum prospectum, quotidie magis magisque miranda producere, quae vnguento sympathico paria ac similia sunt. Utque intelligas, nihil pene ex eo genere esse, *quod fieri non potest*: imo vero immensam esse naturae vim; infinitam & omnino interminatam.

Possibile interminatum est.

Dei potentiam : adeo ut *Possibile*

sibile Deo (dicere aufim)
& naturae aequale habendum videatur. Quod si ita est, quis negare audet, solertem, subtilem, & reconditam artem, comitem, aemulam, administramque naturae, huius arcana sedulo scrutatam ac penitus assequutam, eiusmodi POSSE vnguentum componere, quod gladio solum pannoque illitum absenti vulneri medeatur?

Sed alium video Aristarchum, me aut tanquam nimis credulum & simplicem illudentem, aut increpantem tanquam ignarum

G 2 ru-

rudemque philosophum, qui rem asseram; nulla fultam ratione, nullaque veri specie fucatam. Sed heus tu? fabellam gestis audire? morem geram: nam & ipse *tuas gestio nutantes auriculas videre*. Etenim de rebus abditis, quae arcana vi agere dicuntur, ratiocinari, est vere fabulari: ita quidem sentio, ac profiteor; etsi complures esse sciam, qui, propria intelligentia freti, rerum fere omnium scientiam se consequi facile posse arbitrentur. Ceterum ut intellectum nostrum inhiatētem veritati aliqua veri specie

Quodam fabellam narrare, asinus auriculas mouebat.

cie capiamus, & fucum aliquem mentitae veritatis ei obducamus, aut certe blandiamur veritatem affectanti, sic puto implicatam rem explicari posse. Ratum apud omnes pene Philosophos est, caelum ita cum orbe terrae consociatum esse, ita huic patrocinari atque praeesse, ut nihil hic agatur, quod inde vim non deducat praecipuam. Sic Aristoteles dixit, a sole & homine hominem generari; sic Plato unicuique speciei non solum peculiare astrum praefecit, viresque impertiri censuit; sed ipsas etiam specierum

*Differitur de
ratione, qua
ung. agit.*

*Aristotelis
Platonis Fer-
nelij placita.*

G 3. ideas

ideas inde accersuit. Sic Fernelius calorem rerum, omnium opificem, tanquã alter Prometheus, de caelo duxit. Hic autem calor, vis haec caelestis auctor est rerum omnium praecipuus, & vt e caelo demissus, rebus intime inseritur; ita omnia simul amice nectit & mirabili sympathia vincit. Necessario enim (inquit Cicero) omnia uno diuino ac continuato spiritu continentur: atque adeo, vt ait Scaliger, *concors & consentiens natura sibi rerum omnium, tum superiorum, tum nostrarum admirabili serie perpetuaque necessitudine coniun-*

Calor hic &
spiritus est
anima mudi

coniungit, itaut non solum sint
in rebus tanquam gradus, adi-
tus, recessus seperatis, verum
etiam eorum, quae seiuncta pe-
nitus videntur, substantiarum
commistiones. Quare vnum
quodque cum altero sym-
pathia confociatum, vt ma-
gnes cum astris, palea cum
succino, cum ferro magnes
ceteraque sexcenta, per eum
spiritum suas vires imperti-
tur (spiritum autem appel-
lo, quicquid sit illud, quo
res inuicem amice nectun-
tur, e caelo deriuatum) sic
homo viuens in nasum
alienū salutarem vim emit-
tere videtur: sic Apulus ara-

Omnia per
spiritum vna
nectuntur.

G 4 neus

Quomodo
cera is &
macula foe-
tum afficiat.

Quomodo
vng. armar.
agat in di-
stans.

neus in commorsum homi-
nem perniciosum effunde-
re venenum: sic fraga, ce-
rasus, morus, carnea, fraga,
morum, cerasumque in tu-
morem attollere, viriditate,
rubore, ac nigritia suffun-
dere: sic allia caepaeque sa-
tae allia caepasq; in cellario
conditas acuire & excitare:
sic vua in vitibus cum do-
liare vinum, tum hominis
maculam commouere: sic
homicida homini occiso
quiddam impertiri, quo sá-
guinem cōcretum resoluat;
sic demum vnguentū sym-
pathicum eiusmodi in vul-
nera vires emittere, qui-
bus

bus ea medeatur.

Ceterum quia *Veritas* in Veritas rerum latet.
occul o latet, a natura in pro-
fundo demersa, limaturque, ut
ait Cicero, in disputatione sub-
tilius & in lucem profertur
clarissimam, operaepretium
est, quo res, discussa omni
caligine, aperte omnibus
pateat, aduersariorum ratio-
nes diligenter colligere, fi-
deliter afferre, & strenue re-
futare.

Et primo quidem diuer- Primum ar-
gumentum
aduersario.
sarium fol-
uitur.
sa medicamenti compositio
negocium nonnullis maxi-
me faceffit, illudque vanum
esse facile persuadet. Nam,
inquiunt, si inconstans est
atque

atque dissimilis vnguenti
structura, fieri non potest,
vt constans sit, firmaque,
& nullo daemonis fucata,
dolo eius facultas. Et qui-
dem humanū sanguinem, a
plerisque in compositione,
vsurpatum, respuunt aliqui
& plane aspernantur.

Vnguēti cō-
positio varia

Adipem necessarium esse
nonnulli aiunt, inutilem fu-
tilemque alij. Vtneam (sic
enim isti *Cittiaci*, *aduenae*
*omnino atque ignobiles verbo-
rum opifices*, Muscum appel-
lant, in cranio suspensi ho-
minis natum: putantes se,
quod olim Tiberius Caesar
nequiuit, barbara nomina
ciui-

ciuitate Romana donare
posse) Muscum, inquam,
nonnulli summopere prae-
dicant, contemnunt non-
nulli tāquam superuacuum.
Terebinthinam, bolum ar-
menium, oleum lini, rosa-
ceum, santalos rubros, lum-
bricos, apri vrsique adipem,
consolidam maiorem, lapi-
dem hæmatitem sunt qui
approbant, sunt qui plane
improbant. Immo vero a-
deo inter se discrepant vn-
guenti auctores & vindices,
vt pro suo quisque genio,
quod lubet, vnguento in-
gerere videatur. Paracel- vñca quid,
sus, qui vel auctor vel asser-
tor

tor eius medicamenti esse
 censetur, eoque Maximilia-
 num Caesarem donasse fer-
 tur, hanc commentus est
 compositionem: *℞. V. sneae*
uncias duas, mumiae unciam
semissem, pinguedinis humanae
uncias duas, sanguinis huma-
ni unciam semissem, olei lini
dracmas duas, rosacei, boli ar-
meni ana unciam unam: mi-
isce fiat unguentum. Ioannes
 Baptista Porta eandem pro-
 bat, addita solum terebinthi-
 nae vncia. Eandem Rodul-
 phus Goclenius: haud absi-
 milem Robertus Flud: di-
 uersam Osualdus Gabelcho-
 uerus; *℞. pinguedinis apri,*
ursi

Io. Baptistae
 Portae com-
 positio.

Roberti Flud
 compositio.

Ursi ana libram unam, eaque liquefacta abluantur vino rubro, adde pulueris lapidis haematitis unciam unam, santali rubri dracmas sex, lumbricorum praeparatorum dracmas duas, usneae quantum haberi potest, misce fiat unguentum.

Huic consimilis a Iacobo Colero tradita est: *R. pinguedinis verris aprugni domestici Ursini ana libram semissem musci e cranio humano pugillum unum, lūbricorum terrest. mens. $\frac{1}{4}$ lapidis hematitis uncias duas, santali rubri, radices consolidae maioris ana uncias tres, misce cum vino fiat unguentum. Plurimum vero*
ab

Iacobi Colero
cōpositio

Crollis com-
positio.

ab his distat Crollij descriptio: nam hic reiecta pinguedine apri, verris, atque vrsi, vsurpat apri cerebrum: muscum vero abradendum iubet, *Luna crescente & in bona domo, vt loquitur, existente Veneris, si fieri potest, non Martis aut Saturni.* At vero

Io. Vultichij
compositio,

Ioannes Vultichius ab his omnibus maxime dissentit, & vt videtur, veluti

*Cumea Sibilla horrendas
canit ambages.*

muscū, mumiam, adipem, sanguinemque humanum aspernatur: quae tamen alij fundamentū vnguenti praecipuum esse praedicant.

Iam

Iam vero si adeo inter se
discrepant vnguenti artifi-
ces, si quod alij iaciunt tan-
quam fundamentum, alij
velut inutile ineptumque
euertunt; quis est tam anti-
quus & simplex, qui id va-
num esse non putet? Sola,
inquiunt, compositionis di-
screpantia vnguenti vani-
tatem attestatur. Ceterum,
nugae sunt haec, merae nu-
gae: vix enim vllum est ge-
nerosum nobileque medi-
camentum, cuius apud om-
nes vna sit & plane consti-
tuta cōponendi ratio. The-
riaca, electuarium ex hya-
cintho, & Mithridaticū an-
ti-

Quid a di-
uerſa com-
positione cō-
ſequatur.

Argumentū
diſſoluitur.

tidotum (vt sexcenta praetermittam) id vnicuique declarat. De vnguento vero sympathico omnes in eo consentiunt (vnum excipio Vuitichiũ, de quo postea dicam) vt componatur ex

Vnguentum
componitur
ex re sympa-
thica.

re quapiam sympathica, humano sanguine, vel musco, vel adipe, mumiaue, quae cum homine cognitione quadam ac sympathia consociata non esse, bardus esset ac plane stupidus, qui inficiari vellet. Conueniunt etiam componendum id esse ex ijs, quae scopo vulneris collimando apta sunt. Scopus autem, si credi-

dimus Galeno ceterisque Scopus in
vulneribus
sanandis.
medicinae proceribus, ma-
xime est diducta labra addu-
cere, adducta conseruare,
vnire, & vt plane coalescant,
operam dare; fluentem san-
guinem sistere, imminen-
tem inflammationem caue-
re, suppurare contusam car-
nem & cutim; suppuratis
nouam sufficere, naturalem
partis calorem spiritusque
fouere, tueri ac retinere
temperamentum, atque
omnibus symptomatis me-
deri. Quid praest
natura in
vulneribus. Horum aliqua natura
efficit, aliqua ars medica.
natura quidem vnit gluti-
natque vulnus, quod prae-
H ci.

Quid ars præ
stet in vulne
ribus.

cipuum est huius opus; con-
tusam carnem ac laceretam
cutim coquit in pus, coctum
expellit, expulso nouam
carnem substituit. Ars fere
amouet impedimenta, quo
natura ea omnia perficere
possit. Nam primo quidem
eo incumbit ars, vt, si quid
inhiant vulnere interce-
ptum est, telum, sanguinis
grumus, simileque extrahat;
deinde vero vt sanguinem
fluentem sistat, ne calore
spirituque euaporato pars
languet ac frigeat, impo-
tens proinde futurae coctio-
ni, expulsiōni, generationi,
glutinationi; tum adducit
labra

labra, adductaque conseruat,
naturam puri coquendo in-
cumbentem, expellentem,
generantem, atque cicatri-
cem ducentem, fouet: de-
mum, vt inflammationem,
ceteraque symptomata, vul-
neri familiaria, accessu pro-
hibeat, enititur & elaborat.
Iam quae fiunt a natura,
nulla fere medici ope fiunt:
quae vero ab arte, partim
per chirurgi manũ, fasciam,
lintheum, phlebotomiam,
ceteraque; partim per adhi-
bita appositaq; medicamen-
ta, oleum, vnguentum, em-
plastrum, ceratum, ac simi-
lia efficiuntur. Etenim in-

In quo disce
pret ars a
natura.

Diligenter
adverte.

H 2 ter-

terceptum quidpiam instru-
mento ex hian- te vulnere
extrahitur, diffita labra ma-
nu coëunt, coita feruantur
fascia, inflâ- mationem phle-
botomia prohibet, medica-
mentum purgans, cucurbi-
tulae, frictiones, ceteraque
huiusmodi. At vero fluen-
tem sanguinem imposita
medicamenta sistunt, eua-
porâtem spiritum, calorem-
que exhalantem obducta
illitaq; pharmaca retinent;
naturam, contusae carnis
suppurationi incumbêtem,
olea fouent, vnguenta, em-
plastra, ceteraque: absterfio-
ni, expulsioni, nouae carnis
gene-

generationi medicamenta,
naturae opem ferentia auxi-
liantur, cuiusmodi praeci-
pue sunt oleum Hispanae,
balsamum nostrate, alia,
quae vulneraria dicuntur.
Iam vero (gradatim descen-
do in vnguentum sympa-
thicū) quaecunque ab alijs
vulnerarijs medicamētis ef-
fici dicuntur, ab vnguento
Sympathico effici posse, mi-
hi persuaderi facile patior.
Nam fluentem ex vulnere
sanguinem armenius bolus
sistit, spiritum & naturalem
partis calorem euaporātem,
oleum & alia vngvine suo
exitu prohibent: suppuratio-

Peculiarīa
de Vnguēto
armatio.

Singulae vn-
guenti par-
tes examinā-
tur.

H 3 nem

Obiciunt vn-
guenti hostes.

nem contusae carnis adeps
iuvat; glutinationi idem
bolus armenius opitulatur,
abstersioni terebinthina,
expulsioni puris, nouae car-
nis generationi, alijsque,
quae natura medicamento
auxiliante absoluit, ea prae-
sto sunt, quae calorem fo-
uent, & naturale partis tem-
peramentum tuentur. Ex
quibus omnibus vnguen-
tum hoc vulnerarium con-
stare, vnusquisque eius cō-
positionem perpendens in-
telligere potest. *Archimedes,*
inquies, non posset melius de-
scribere, si vnguenti artifices
in eo componendo vna
om-

omnes consentirent. Sed
VVittichius a ceteris dissen-
tit, & pleraque consulto
praetermittit, quibus defi-
cientibus operationes om-
nes, quas proxime nomina-
uimus, deficere necesse est:
& tamen sanitatem ex vn-
guento partam praeedicat,
affirmat, iurat: ex vnguen-
to igitur nulla vi naturali
praedito, nulla aut aperta,
aut abdita facultate instru-
cto: sed potius (vt coniecta-
re licet ex sanitate mirabili-
ter recuperata, & ex vn-
guento ex nugis composito)
certa superstitione fucato .

Obiectio dis-
solvitur .

Sed

H 4 Na-

*Nasutus sis usque licet, sis
denique nasus.*

nihil tamen in nostro vnguento subodorare poteris, quod pio animo male oleat. Si VVittichius expertus aliquando est vnguētum sine adipe, sanguine, ceterisque sympathicis vulnera sanare, naturae sanitatem acceptam fero, non vnguento, non daemoni: non quidem vnguento, quia nulla pene vi praeditum est, nulla sympathia cum aegro coniunctū. Non daemoni, quia non est, cur velut *in theatrum Deos aduocemus*, ut soluant nodum fabulae, si mirabilis effectus cau-

causarum rei manifestae
adscribere possumus: natura
scilicet, quae τῶν νόσων Altera obie-
ἰατρὸς. ctio. Cur ergo, inquires,
quaevis sanatio, quae a quo-
vis medicamento sympathi-
co parta dicitur, naturae
adscribenda non est? Nem-
pe ob eandem causam, ob
quam, adhibito verbi causa
Hispanae oleo, medicamen-
to non naturae sanitas ad-
scribitur: quia scilicet vn-
guento sanandi vi praedito
accepta referri potest, nullo
hinc absurdo consequente;
vt ex rationibus aduersario-
rum a nobis refutatis ac
deinceps refutandis liquido
con-

Sanguis hum.
necessarius
in vnguento.

constat. Sanguinem vero;
muscum, mumiam, cetera-
que ex homine sumpta,
necessaria esse vnguento cō-
ficiendo, ideo existimamus,
quod aegro per ea arctissi-
ma cum vnguento cogna-
tio sit. Etenim in homine
hominisque partibus calor
inest caelestis, praecipuus
actionum auctor, cuius vim
esse plane mirabilem ac ve-
re caelestem ex Aristotele &
Platone liquet, liquet ex Hip-
pocrate, qui libro de prin-
cipijs, *Mihi quidem videtur,*
inquit, quod calidum voca-
mus immortale esse, & cuncta
intelligere, & videre, & audi-
re,

Calor natu-
ralis est vere
c. caelestis.

re, & scire omnia tum praesentia tum futura. Calor autem hic, spiritusue, sicuti minimis quibusque corporis partibus penitus inferitur, ita est earum *essentia* & veluti essentia ac natura, quas mutuo quodam consensu & occulta sympathia arctissime vincit. Quare mirandum non est, si adeps humanus, mumia, muscus, & sanguis, qui seminarium est caloris & spiritus cognitionem habeant cum genere humano. Mirabitur haec rudis Aristarchus, non secus ac Si mulier vitulum, aut si bos ediderit agnum: vel certe,
con.

Cum sanguis hum. sit necessarius ynguente.

contemnet, quasi nos ab rationibus inopes, & nostri ingenij viribus diffidentes ad caelestia confugiamus.

Morofitas
odiosa est.

Ceterum non est, cur vere morofus ac difficilis omnia fastidias : mihi sane nihil odiosius est eo hominum genere, cuius palatum adeo sapit, vt omnia plane stomachetur : cui *Nec Demosthenes sati facit, nec Coae Veneris pulchritudo*, aut *simulacrum Iouis Olympici*. Etenim calorē spiritumque e caelo deductū translatumque ad nos, omnes sapientes antiqui, recentiores agnoscūt, in quaestionem minime reuocandum.

Alij

Alij vero ingenij aciem
in omnes vnguenti partes
acrius intendentes singula
quaeque diligenter exami-
nant : cumque earum nul-
lam aduertant ea vi praedi-
tam, vt absenti vulneri me-
deri possit, vnguenti prae-
stantiam, vt vanitatem &
malitiam, nobis obijciunt.
Neque enim (inquit)
sanguis humanus, neque
pinguedo, muscus, terebin-
thina, oleum lini, bolus ar-
menius, aut quiduis aliud
in vnguentum vsurpatum,
eiusmodi vi praeditum esse
videtur. *Heu prisca fides!*
Tam ne bardus es, tã rudis
me-

2ⁱ

Alterum ar-
gumentum
aduersario-
rum.

Dissoluitur
argumentũ.

Compositio
quantū pos-
sit.

medicus, in philosophia,
tam hospes & aduena, vt
nescias, sexcenta esse, quae
figillatim aestimata, inuti-
lia pene sunt, nulla (dicere
ausim) vi praedita? Si vero
generatim, penitus admi-
randa? Theriacam habes,
vel potius (quod magis mi-
reris) habes fossile stibium,
vulgò antimonium, nulla
purgandi vi praeditum; ha-
bes chrysocollam, quae, si
ethimologiam spectes, aluū
potius tardat: nam auri glu-
ten Latinis significat: mista
habes haec eadem, incredi-
bilem purgandi vim om-
niumque maximam ex mix-
tio-

tione adepta. Quid dicemus
de puluere nitrato? vim eius
esse admirabilē, quippe qui
tonitrua & fulmina imite-
tur & aequet, sciunt omnes;
omnesque sciunt, neque
nitrum, neque sulphur, aut
carbonem, ex quibusis con-
stat, ea vi praedita esse. Ita-
que hoc argumētum, quod
principio velut *Euripidis em-
phidexium* esse videbatur, in-
firmum reuera futileque est,

Pulvis tor-
mentarius ad
mirabilis.

*Et redit in nihilum, quod
fuit ante nihil.*

Nonnulli vero (ridendi
profecto sunt hi) vnguenti
superstitionem ex eo conie-
ctant, quod suspensi homi-
nis

3
Testum ar-
gumentum.

Dissoluitur
argumentū.

nis muscus in compositionem vsurpetur. Si enim, inquiunt, naturalis esset vnguenti vis, non magis laqueo, quam morbo mortui hominis muscus utilis ac salubris esset. Sed vere audio anicularum murmura, quae hoc ipso, quod aliquid suspēsi hominis adhibetur, de superstitione continuo trepidantes & meticulosae suspicantur. Philosophi est animadvertere, hominem morbo non confectum vberiori spirituum copia circumfluere, morbo vero afflictum spiritibus exhaustis contabescere. Suspensum
prae-

praeterea vberrimos laqueo-
spiritus ad caput allicere ac
trahere: hoc igitur spiritibus Muscus su-
sp. nsi homi-
n. s. praestan-
tior.
targescens, & radicati etiam
humidi succosus, foecundio-
ri ac praestantiori musci se-
minario praeditum est. In
vnguento autem tam mira-
bili componendo selectissi-
ma praestantissimaque vsur-
panda esse, quis dubitat?

Neque vero aditus ad ca-
put laqueo spiritibus inter-
cluditur ita, vt in thorace
omnes & faucibus haereant:
quia ligatum praesumque
guttur sanguinem non spi-
ritus transitu prohibet. De-
clarat id quidem calor faciei

I

non

nō mediocris, rubor, & vinculo arctius stringente, & spiritibus propterea eo ingruentibus, plumbeus color, quo facies perfunditur.

4
Quartum argumentum.

Dissoluitur
argumentū.

Neque est cur sympathia sanguinis adipis musci cum homine vanam & fabulosam putet Sennertus quod sanguis, exempli causa, corrumpatur ac putrescat, corpore, vnde missus est, conualecente, immo plane incolumi; quia sympathia inter sanguinem & hominem non ea est, quae ad producendam vitam, vel ad valetudinem tuendam sit necessaria; sed quae ad quasdam

dam actiones sui perutilis .
 Exemplo rem aperio : vene-
 num a scorpione membro
 impressum arctissima cum
 scorpione sympathia coniū-
 ctum est : vt patet ex eo , quod
 hic , contusus & vulnere ap-
 positus , reuocat exugitque
 venenum a se membro actū
 inspiratumque ; & tamen is-
 dui vixisset incolumis , etiam
 si impressum a se venenum
 vna cum homine extinctū
 esset . non enim vnquā scor-
 pius cum homine venenato
 interiit , aut interiisse fertur .

Quae sym-
 pathia sit ne-
 cessaria vna-
 guento .

Scorpius ve-
 nenum .

Mihi vero laborandum
 non est (vt vehementer la-
 borandum , summisque in-

5
 Quintum et
 gumentum .

I 2 ge-

genij viribus contendendum, omnes arbitrantur) de sphaera, vt vocant, actiuitatis vnguenti vulnerarij. Nam et si plurima agentia naturalia certam nobis habent sphaeram actiuitatis, certum spatiũ, *ἀπορροια*. seu virtutis effluuium circumseribens, aut vim certò aliquò emittere nobis videantur; tamen multa sunt, quorum sphaera quam late, longeque pateat, haud certo scimus, aut, si scimus, eam longius pertingere ac prope indefinità esse intelligimus. Et vero quam sphaeram actiuitatis habere putamus

ma-

De sphaera
actiuitatis
complura.

magnetem, vel potius stellas
ad se magnetem allicientes?

*Sphaera aſti-
utatis ma-
gnetis.*

Quam sphaeram illuminan-
di nostraque corpora varijs
qualitatibus afficiendi ha-
bere Solem, Lunam, Stellas,
supera denique omnia? Sol
ex infinito prope interuallo

Solis.

sua vi ad terram vsque per-
tingit, longiusque progred-
deretur, si terra esset longius
diffita. Luna plena, noua-
que, imo intermestris ac

Lunae.

dimidiata Italũ lunari mor-
bo aequaefficit atque Aegy-
ptium, Persam, Indum,
ceteros orienti proximos:
quinimo peraeque hos at-
que Gallos, Germanos, Nor-

I ; ue

Ignis.

Obiicitur.

uegos aliosque vltimum occidentem & septentrionem incolentes. Ignis exurit lignum, sibi contiguum; calefacit hominem, sibi vicinum; illuminat aerem, longe distantem. Quid? etiam e longinquo interdū ignis comburit. Nam aproxeos herbae radicem a se distantem accendit, longius pertingens sua vi, quam vulgus hominum opinetur. Corruet, inquires, Porticus Stoicorum, Licaeum, Academia, ceteraque philosophorum gymnasia ruinas agent, si incertam esse dixeris, minimeque constitu-

agent,

tam agentium sphaeram
actiuitatis. Corruant, nihil
moror, penitusque labantur,
si infirmo nitantur funda-
mento. Sed reuera corruere
non finit, vndique fulcit
ac sustentat, qui rem inten-
tis mentis oculis contempla-
tur. Definita est atque cer-
ta agentibus, non nobis, eo-
rum sphaera actiuitatis; vim
certo aliquo emittunt om-
nia: quo vero, quam longe
lateque non raro ignora-
mus, putantes breuiori defi-
nitam esse interuallo, quā re-
uera sit. Quam igitur acti-
uitatis sphaeram hominis
esse putamus alienum de

Respondetur.

*Quomodo
sit definita
agentium
sphaera acti-
uitatis.*

I 4 lon-

Historia de
eane.

longinquo nasum seruanti-
tis? Apuli aranei impressum
membro venenum fouen-
tis? mori ac cerasi sui quasi
speciem in modum tam
mirandum in homine im-
mutantis? aut eius, qui ex
Gallia in Italiam canem
allexit? Fertur enim canis
dominum, ex Lugdunensi
Gallia in Italiam profectum,
et longissimo interuallo plu-
riumque dierum flexuoso
incertoque itinere, & inse-
quutus & consequutus fuisse.
Fabellam putas de cane
quae narro, ab alijs mihi nar-
rata? Audi historiam do-
mesticam ac verissimam.

Scr-

Seruiο meo germano fratre,
Roma Spoletum redeunte,
domesticus canis latrare coe-
pit, & inconsueto quaeru-
loque vlulatu domum im-
plere multo ante, quam is
domum appropinquaret;
imo vero vltro ac citro com-
meare & vndique discurre-
re: tandem morae impa-
tiens aperta ianua domo
profiliit, & redeunti Seruiο
longe obuiam processit.
Idem canis (quod certe
longe mirabilius est) ab eo
die, quo Seruius Spoletum
Romam profectus fuit, moe-
rens, demissus, afflictus, &
ab omnium consuetudine
abhor.

Domestica
historia.

Miranda de
cane.

abhorrens in angulo domus perpetuo fere dormitabat & a cibo pene omni sese abstinebat. Cum vero primum frater Roma Spoletū versus iter iniret, statim canis moerore deposito se erigere coepit, & consueto cibo reficere. Neque vero existimes, casu id semel accidisse, quia toties contigit quoties Spoletum Romam, Seruius migraret, ac Roma Spoletū reuerteretur. Quinimo domestici omnes ex eo coniectabant, Seruium, in patriam reuersurum, iam in viam se dedisse, quod canis recenti ac repentina
hi-

hilaritate pristinam tristitiam relaxaret, omnibusque noua festiuitate blandiretur. Illud etiam, quod de fele

Historia de fele .

a fide dignissimo praestantissimoque Poeta Francisco Stelluto nuper accepi omnino improbat certā *απορροια* : Felis Aesio e Capuccinorū domo in aliam eorundem Patruum duodecim millia, passuum Aesio distantem, sacco conclusus, cum transportatus esset, eadem die per arduam latebrosam ac transversam viam Aesium, repetijt . Iam vero, Senner-te, (hunc appello, quippe acerrimum omnium atque infec-

Dissoluitur argumentū .

Ursini adipis
leporis cete-
rorū sphaera

infestissimum vnguenti ho-
stem): quod nam spirituum
effluuium manare putas e
fele Aesio profecto? e Spole-
tino homine ex Vrbe vix
pedem efferente? Quam
sphaeram actiuitatis esse pu-
tas ursi, ursinum adipem,
in vase asseruatum commo-
uentis? leporis leporinos
pilos tenello puero plane-
que imberbi in genam in-
ferentis? vucae vinum dolia-
re maculamque hum: com-
mouentis? mali punici mu-
lieris occipitium; vini rubri
viri genam tam facile ac
perspicue immutantis? fra-
garum carnea fraga incre-
di-

dibili vi afficientium? Vnum profecto est, quod vulgo omnes asserunt de certa nobis sphaera actiuitatis.

Quare minus faceffit negocium, quod de medicamento pyxide condito adiungit Sennertus. Nam etsi mirandum est, vnguentum, gladio in arca aliove incluso adhibitum, (nam medicatus gladius in armario includitur, vt aëris vim effugiat: alioquin enim vulnus non mediocri afficitur detrimento) vim in vulnuse longinquo effundere, peruadens nempe arculam, vbi conditum est, domi parietes,

6

Sextum argumentum

Vis vnguēti
quocunque
penadic.

Vere mirāda

tes, valles, montes, & quic-
quid tandem interiectum
est; seque insinuans in oc-
clusum vulnerati domici-
lium, in circumlitas obdu-
ctasque vulneri fascias, ac
demum in ipsum membrū
vulnere affectum: quamuis,
inquam, haec miranda sint,
nec ab vnguento praestari
posse videantur, longe ta-
men mirabilius est, polum,
stellasque, aut montes, quos
recentiores commiscuntur,
magneticos sub polis assur-
gentes, ex infinito prope
interuallo, superatis immen-
sis montibus, vallibus in-
gentibus spatioque longif-
simo.

fimo in magnetem vim
emittere plane admirabilē.
quae cum a commoto aere,
non agitetur, non iactetur a
vento, nec prohibeatur,
quominus ad magnetem
pertingat; mirandum non
est, si vnguenti vires e py-
xide in vulnus recta feran-
tur, nullo aere aut vento
disiectae, neque parietibus
domorum, montium va-
stitate, aut longa vallium
intercapedine prohibenti-
bus.

Reuocant praeterea in-
dubium vim medicamenti,
quod non semper, quod
nō omnibus medeatur vul-
neri-

7

Septimum
argumentū.

neribus . Nam, inquiunt;
 fieri potest, vt, quando adhi-
 bito medicamento vulnus
 sanatur, non vnguento re-
 uera, sed naturae morborū
 omnium medico, sanitas
 accepta referenda sit: prae-
 fertim cum vulnerum sana-
 tio, quae in glutinatione,
 maxime consistit, solius sit
 naturae opus; medicus ve-
 ro impedimēta solum amo-
 ueat. Vindicam, quod sen-
 tio? hoc argumentum Sen-
 nerto non parcit,

Vulneris sa-
 natio est na-
 turae opus.

Dissoluitur
 argumentū.

*Reuolutaque tela vertit in
 auctorem.*

siue enim vnguento sym-
 pathico, siue quouis alio
 me-

medicamento vulnerei opituleris, natura semper est morbi medicus, cum vulnerei sanatio, vt dictum est, in glutinatione sita maxime sit, quae solius est naturae opus. Possem igitur (si res ita sese haberet) omnia medicamenta tanquam inania respuere, vulnerei sanitatem vnus naturae viribus adscribens. Vnguentum sympathicum efficit ea omnia, quae vnumquodque aliud vulnerarium medicamentum, eo tamen discrimine, quod illud iucundius, hoc molestius; illud absens, hoc praesens; illud

Discrimen
inter vng. ar-
mar. & alia.

K **mi-**

mirabili, hoc vulgari ratione efficiat.

8

Ostium ar-
gumentum.

Argumentū
dissoluitur.

Quod vero ad vulnera sananda opus sit multiplici operatione, quae ab vno vnguento sympathico minime praestari possunt, ut *Sordium abstersio*, *puris collectio*, *excrementorum expulsio*, *carnis generatio*; sunt merae nugae. Nam exploratum est, sexcenta alia medicamenta, ut Ducis Etruriae, balsamum, ea omnia exequi & perficere. Passim non in Italia solum & Hispania, sed etiam in Gallia, Belgio, Germania vnum vulneribus sanandis saepe adhibetur. Hi-
spa-

spanae oleum . Romae quidem celebre est, & vulnerariorum omnium medicamentorum longe praestantissimum (id enim testantur vnanimis experti chirurgi) Balsamum a Tobia, excellēti chymico & botanico scientissimo optimi Principis Fráncisci Cardinalis Barberini paratum; a quo solo operationes omnes vulneribus necessariae, quas pollicentur complura alia medicamenta, praestantur, *Absterfio, Concoctio, Expulsio, Generatio, Glutinatio* . Praeterea vnguentum sympathicum ex glutinantibus constat, ex

Balsamum
Tobiae praestantiss.

Vng. arm. constat ex omnibus necessarijs .

K 2 *sup-*

suppurantibus, renouantibus ceterisque necessarijs. Demum vnicum vinum, solaque ligatura haud exiguis vulneribus saepe medentur: quae quia ex abstergentibus, concoquentibus, glutinantibus ceterisque talibus non constant, non sunt propterea, tanquam inutilia improbāda. Itaque quocunque tandem argumentum dirigas, quouis modo flectas & tuo arbitrato inuertas, vt thymbra semper erit, ex qua lancem facere nemo potest.

9

Nonum argumentum.

Neque vulneratarū partium diuersitas nobis, vt Sē-
ner-

neruo , negotium faciffit ,
vnguentumque infirmat :
nam etfi caro , vt doctiffi-
mus hic vir nobis obiectat ,
neruus , membrana diuerfo
temperamento praedita sūt
diuerfoque proinde medi-
camento indigere videan-
tur ; tamen & balsamum
Cardinalis Barberini , & Du-
cis Etruriae , & oleum Hi-
spanae , & alia sexcenta
diuerfis medentur tum par-
tibus , tum vulneribus . Ita-
que ex eo quod dispar fit va-
riaque vulneratarum partiū
temperies , non tamen opus
est medicamento plane di-
uerfo . Vno igitur vnguen-
to

Partium di-
uerfa tempe-
ries.

K 3

to sympathico, sicut vno Hispanae oleo, alijs atque alijs partibus temperamento dissidentibus opitulari possumus.

10

Decimū argumentum.

Quod si quis (decimum est Sennerti argumentum)

uno tempore plura vulnera diuersis in partibus a diuersis armis acceperint, unum ne telum iniungere sufficiet? & vis ne eius ad omnia vulnera feretur? aut omnia ne tela iniungenda erunt? & anne unguentum quodlibet faciet suum officium? & hoc ad istud vulnus, quod hoc telo inflatum est, recta perget; illud ad aliud, quod alio telo illatum est? Siue plura, Sen-

Sennerte, siue vnum telum
inunxeris, vis medicamenti ^{Argumenti} dissolutio.
fertur in vulnera. nam san-
guis, in vnum pluresue gla-
dios ex vno vel pluribus vul-
neribus missus, idem san-
guis est, eademque sympa-
thia & affinitate cum vno
atque altero vulnere deuin-
ctus est, ac proinde is vnus
in vnum gladium effusus,
deferre potest vnguenti vim
in partes omnes vulneratas.
Neque vero medicamenta,
quae occulta vi ac sympa-
thia agere dicuntur, ex qua-
ritate solum, sed ex qualita-
te multo maxime aestiman-
tur.

II
Videimus
argumentū.

Argumentū
dissoluitur.

De pyxide, quod addunt,
fatis mirari non possum:
nam in ea conditum medi-
camentum vulnera non sa-
nat (miratur enim Senner-
tus ignauiam medicamenti
in pyxide occlusi. Si enim,
inquit, vnguentum gladio
illitum per sympathiam,
vulneri medetur, non illi-
tum etiam, nempe condi-
tum in arcula, mederetur,
cum vbiq̃ue iisdem sympa-
thiae vinculis vulneri con-
iunctum sit) non sanat,
inquam, vulnera in pyxide
asseruatum, quia non fertur
in vulnus: nō fertur autem,
quia vectorem non habet

ana-

analogia & affinitate sibi de-
uinctum: ac proinde iners
& ignarum in pyxide latet.
Quod si affricetur sanguini,
vel potius gladio cruento,
iam vectorem nactum,
prompte fertur in vulnus,
certa medicina salubre.

Sanguinem vero medi-
camenti vectorem (nam
sanguine intercedente vis,
medicamenti e gladio fertur
in vulnus) in atomos dis-
solui & vnde quaque diffun-
di, vt vim medicamenti
deferat in vulnus, aut non
est necesse, aut si necesse,
nobis, vt Sennertus conten-
dit, explicandum non est,
id

12

Duodecimū
argumentū.

Agentia in-
distans abdi-
to modo a-
gunt.

Nota de ne-
stro philo-
phandi me-
do.

id quā ratione fiat: quia, ut
supra diximus, quae agunt
ex interuallo, ut abdita vi
agunt, ita abdito modo: &
sicuti agere scimus, re do-
cti, ita nescimus, quomodo
agant. Putare vero se om-
nia scire posse, maximae
inscitiae argumentum est.
Humanum scire est pulchre
imaginari: is verius philo-
sophatur, qui pulchrius ima-
ginatur, qui ea comminisci-
tur, quae pulchriori qua-
dam veri specie nostrum
caprat (aut verius) nostrū
eludit intellectum. Bone
Deus? scire ne atque explo-
rate scire contendimus ea,
quo-

quorum veritatem, ut ait
Democritus, in profundo
penitus abstrusit natura, æ-
ternisq; tenebris circum-
fusam esse voluit? Præfeto-
ne ea quidem ipsa, quæ
manibus tractantur, viden-
tur oculis, omnibusque sen-
sibus patent, vilo possumus
modo cognoscere. Testi-
monio est opium, cicho-
rium, acetum, ceteraque
sexcenta: in quorum natu-
ra inuestiganda etsi anti-
quorum præstantissimi la-
borarunt, alserunt recentio-
res, omnes vere sudarunt,
adhuc tamen de ijs nihil ra-
tum est, nihil firmum, nihil
pe-

*De cichorio
notanda.*

penitus constitutum. Cichorium serimus, nascens videmus, manu contrectamus, olfactu & gustatu examinamus; adolescens, adultumque, & exiccatum sensibus omnibus omnique arte, industria demum chymica explorandum curamus: & tamen adhuc neque scimus, neque nouimus, calidum ne re vera, an frigidum sit. Quid dicam de opio, quod aliqui summe frigidum esse, alij summe calidum existimant iuratique affirmant? In quo sane in quaestionem veniunt non abditae abstrusaeque in arcano

De opio notanda.

cano naturae penetrali opij
qualitates; sed calor & fri-
gus, quae sensibus plerum-
que patent, quaeque om-
nium facillime cognoscun-
tur. Neque de exiguo & sub
obscuro qualitatis gradu di-
sceptatur, sed de summo &
omnium amplissimo: cali-
dissimum illud esse alijs opi-
nantibus, alijs frigidissimū;
ambobus (quod sane mire-
ris, vel potius rideas) plane
rem vel litigioso ac pertina-
ci se probare existimātibus.
Quid de aere? quem aliqui
calidum natura esse opinan-
tur: alijs frigidum, humidum
alijs, alijs siccum: immo ne-
vllus

De aere no-
ta.

ullus nugamentis decisset locus, &

Aegrotæ mentes quod fingere nunquam audent, audacter aliqui comminiscerentur, neque calidum, neque frigidum, neque humidum, neque siccum, sed omnis qualitatis expertem, scripserunt. Vere igitur Nos ita philosophi sumus (vtor Cic. verbis) vt cum fabris habitare possimus: vere humanum scire est pulchre imaginari, isque verius philosophatur, qui pulchrius imaginatur. Quare qui rationem sibi explicanda contendit, qua sanguis in pannum gladiumue effusus

Diffoluitur
argumentū

sus deferat in vulnus vim
medicamenti, qui ex nobis
quaerit, num dissoluatur in
atomos, num feratur in or-
bem, & vndequaque dif-
fundatur; & si diffunditur,
num tam longe lateque
peruadat, vt ad distantissi-
mum vulnus pertingat: hic,
inquam, velim, animum
aduertat vel ad tarantulae
venenum, vel ad nasum
restitutum ex aliena carne,
mihi que explicet, qua ratio-
ne ex longissimo interuallo,
aut salutaris viuientis homi-
nis vis in commorsum ho-
minem nasumque restitui-
tum feratur; num dissolua-
tur

ur in atomos, & num vn-
dequaque diffundatur. Ve-
lim, vt qua ratione allia-
cepaque fatae, frondentes
vites vniſque foecundae,
cerafus, morus, malus pu-
nicus, ceterae arbores a me
ſupra commemoratae, foe-
tum afficiant maculamque
commutent. Velim, in-
quam, vt haec omnia ex-
plicet,

Nota de al-
lijs.

Et erit mihi magnus Apollo.

13
Decimum
tertium ar-
gumen.um.

Vtrum vero vnguentum,
vulneri non gladio illitum
vulneri medeatur, mihi
haud exploratum, haud ex-
pertum: neque Sennertus
experimento pugnat. ſolum
ait,

ait, si gladio inunctum,
vulneri medetur, facilius
ipfi vulneri adhibitum me-
deretur. Fortasse facilius.
Nam calchantum, secreto
laboratum artificio, & vul-
nerato membro & panno
cruento aspersum, sangui-
nem sistit, vulnusque sanat.
Quod si vnguentum e lon-
ginquo solum mederetur,
id eius praestantiae adscri-
bendum esset, qua vulgari-
bus medicamentis vulnera-
rijs antecellit.

Diffoluitur
argumentū.

Medetur autem non so- 14
lum gladio sanguine tincto
illitum, vt exprobrāt aduer-
sarij, sed cuius alijs, panno,

Decimum
quantum ar-
gumentum.

L li.

ligno, corio, ceterisque sanguine perfusis. id accepi ab oculatis testibus fide omnium dignissimis. Nam in Rhetia, Heluetiaque cuius sanguine infecto salubriter unguentum affricatur. ergo peccat etiam in historiam Sennertus, cum ait. Si sanguinis beneficio vis medicinali ad vulnus deferatur, cur non etiam aliarum rerum in quas e vulnere copiosissime saepe sanguis effunditur, vires ad vulnus deferret, quod fieri non videmus.

15 Quod vero aiunt, unguenti superstitionem vel ex eo innotescere, quod ab acie,

Decimum
quintum ar-
gumentum.

acie, versus tergum illinien-
dus sit gladius, cum caesim
vulnus illatum est; cum
veropunctim, a cuspide ad
imū; me non mouent,
neque, vt sibi ipsi persua-
dent,

Telū immedicabile torquent.

Nam hic non tam quæri-
mus, an sanatio naturalis
sit, quam an naturalis esse
possit. Fateor, cacodaemonē
posse huic, vt ceteris, se
unguento immiscere (nam
hic saepe saepius nos inson-
tes laedit, imprudentes fal-
lit, simplices illudit) profi-
teor tamen, naturam, suis
tantum viribus huiusmodi

L 2 mi-

Dissoluitur
argumentū.

miracula facere posse; cum
mirabilia vetaeque mira-
bilia faciat. Etenim qui re-
nuunt vnguentum tanquā
naturae opus, naturam ac-
cusant, vt infirmam ad id
efficiendum. Praeterea ex-
ploratum est, vnguentum
quouis modo adhibeatur
vulneri opitulari. Qui vero
aiunt, adhibendum id esse
certa quadam ratione, ideo
aiunt, vt artificium, & ex
artificio existimationem me-
dicamento concili-
ti etiam qui
to syden

componendo medicamen-
to, siue plane negligas, vn-
guentum efficies praestan-
tissimum, cum sympathia
praeditum efficias.

Irrident praeterea nostrā

16

credulitatem, quod antiqui
prorsus ac simplices ea cre-
damus, quae nulla firma
ratione comprobari possunt.
Probandū, inquiunt, nobis
est vnguenti vim esse natu-
ralem. Immo vero minime
probandum aut rationibus
aut experimentis.

Decimū sex-
tum argumē-
tum.

Quid enim
vnguenti vim esse natu-
ralem. Immo vero minime
probandum aut rationibus
aut experimentis. Quid enim
vnguenti vim esse natu-
ralem. Immo vero minime
probandum aut rationibus
aut experimentis.

3

to

Ratio adhi-
bendi vng.

to vnguento partam, nullis
additis caeremonijs, nullis
signis, verbis nullis plane
adiunctis, quibus cacodaem-
onis dolo nos assentiri pol-
liceamur. Immo e contra-
rio Deū imploramus (quem
certe omnes implorare at-
que obtestari debent, qui
de orthodoxa fide recte sen-
tientes, vnguento vsuri sunt:
id moneo, id suadeo, id om-
nes vt faciant, peto quae-
soque) vt illius astum longe
arceat: ac proinde iure cre-
dimus, sanitatem ex eius vi-
natam esse. Quod si aduer-
sarij a cacodaemone aliquid
vnguento subdole infitum.

opi-

opinantur, id vere probandum . Nos non plus sapere, quā oporteat sapere, satagimus.

Instant praeterea & urgent Hildani observatione

xxv.cent.iii. *De infelici suc-*

cessu (sic enim inscribit observationem) *unguenti sympathici seu armarij*, ubi haec

habentur verba: *Quam misisti delineationem instrumenti nō*

satis intelligo, ideoque ut ampliore declarationem mihi com-

municare velis, obnixe rogo.

Nunc quod tibi communicem nihil singulare habeo, ne tamen

plane nudam mitterem epistolam, exemplum de infelici suc-

cessu unguenti sympathici siue

Historia.

Vag. armar.
adhibetur.

armarij adscribam. Genere & virtute vere nobilis matrona Anna Sidonia Bremserina de Rodesheim nobilissimi ac strenui viri D. Hermani a Cröberg Lorcentis ad moenum praefecti prudentissimi coniux materona iuuenis & optimo habitu corporis praedita cum ante mensem feliciter peperisset nescio quonam infortunio factum quod decima die post partum vulnus ad latus pupillae sinistrae versus sternum accepit. Vulnus etsi non usque adeo profundum esset, sanguis tamen copiose effluxit a chirurgo restricto sanguine non vulnus sed cultrum, quo inflictum fuerat, curabant

&

Et tractabant quotidie, Et quidem, ut par est, diligenter; cito Et ut videbatur satis feliciter Et fere absque dolore curatum fuit vulnus. Sed quid fit? vix cicatrice inducta, obtuto in profundo māmāe abortio dolore, febre cum rigore, lumborū Et capitis dolore correpta fuit aegra. Mox intumescit, Et indure
scit uamma maximo cū dolore,
non solum mammae Verū etiam
nuchae Et scapulae, adeoque totius istius lateris. Interim aduocatur chirurgus, qui etsi omnem adhiberet diligentiam, symptomata tamen de die in diē magis magisque accreuerunt. Tandem decima nona Aprilis ego quoque
ac-

A curatione
quae super-
uenerint.

Hildanus ac-
cerfitur.

Symptoma-
tū remissio.

accerfitus ad ipsā Oppenheimii
perueni & mammam supra mo-
dum tumefactam & undique
fere indurata[m] offendi. Dolor
maximus & pungitius fe-
brisque continua aderant. Ci-
catrrix praecedētis vulneris vix
apparebat: circa pupillam lini-
da erat cutis, ita tamen mollis,
ut fluctuatio puris tactu facile
depraehendi posset, quapropter
suasi, ut incideretur vomica.
Consensum porro cum dedisset
aegra & adstantes, scalpello
incuruato atque hic adumbrato,
abscessum incidi. Pus copiose &
quidem cum impetu effluxit,
hinc dolor mox sedatus fuit: re-
liqua quoque symptomata, ve-
luti

*luti febris, nausea, capitis, nu-
chae, & scapulae dolor, vigi-
liae & inquietudines paulatim
remiserunt, & subsequens nox
prorsus quieta fuit. Ab eo tem-
pore multum puris effluxit, du-
rities quoque paulatim remisit;
interim tamen duobus alijs in
locis, & quidem prope pupillam,
per se exulcerata est mamma:
nihilominus tamen omnia ita
se habent, ut sperem ipsam
quamprimum pristinam vale-
tudinem recuperaturam. Plura
nunc non addo. Haec Hilda-
nus: ex quibus intelligi pos-
se nonnulli arbitrantur un-
guenti vanitatem apertum-
que mendacium. Sed hi
pro-*

*Dissoluitur
argumentū.*

ligno, corio, ceterisque sanguine perfusis. id accepi ab oculatis testibus fide omnium dignissimis. Nam in Rhetia, Heluetiaque cuius sanguine infecto salubriter unguentum affricatur. ergo peccat etiam in historiam Sennertus, cum ait. Si sanguinis beneficio vis medicinali ad vulnus deferatur, cur non etiam aliarum rerum in quas e vulnere copiosissime saepe sanguis effunditur, vires ad vulnus deferret, quod fieri non videmus.

15

Decimum
quintum ar
gumentum.

Quod vero aiunt, unguenti superstitionem vel exco innotescere, quod ab acie,

acie, versus tergum illinien-
dus sit gladius, cum caesim
vulnus illatum est; cum
vero punctim, a cuspide ad
imum; me non mouent,
neque, vt sibi ipsi persua-
dent,

Telū immedicabile torquent.

Nam hic non tam quaeri-
mus, an sanatio naturalis
sit, quam an naturalis esse
possit. Fateor, cacodaemonē
posse huic, vt ceteris, se
unguento immiscere (nam
hic saepe saepius nos inson-
tes laedit, imprudentes fal-
lit, simplices illudit) profi-
teor tamen, naturam, suis
tantum viribus huiusmodi

L 2 mi-

Diffoluitur
argumentū.

miracula facere posse: cum
mirabilia vetaeque mira-
bilia faciat. Etenim qui re-
nuunt vnguentum tanquā
naturae opus, naturam ac-
cusant, vt infirmam ad id
efficiendum. Praeterea ex-
ploratum est, vnguentum
quouis modo adhibeatur
vulneri opitulari. Qui vero
aiunt, adhibendum id esse,
certa quadam ratione, ideo
aiunt, vt artificium, & ex
artificio existimationem me-
dicamento concilient. Sicu-
ti etiam qui praecipiant cer-
to syderum coetu elaboran-
dum id esse. nam siue stel-
larum coitum attendas in-

com-

componendo medicamen-
to, siue plane negligas, vn-
guentum efficies praestan-
tissimum, cum sympathia
praeditum efficias .

Irrident praeterea nostrá
credulitatem, quod antiqui
prorsus ac simplices ea cre-
damus, quae nulla firma
ratione comprobari possunt.
Probandū, inquiunt, nobis
est vnguenti vim esse natu-
ralem . Immo vero minime
probandum aut rationibus
aut argumentis . Quid enim
argumentis opus est vnguē-
to, experimentis compro-
bato ? Nam oculis ipsis vi-
demus sanitatem ab adhibi-

16

Decimū sex-
tum argumē-
tum .

L 3 to

Ratio adhi-
bendi vng.

to vnguento partam, nullis
additis caeremonijs, nullis
signis, verbis nullis plane
adiunctis, quibus cacodae-
monis dolo nos assentiri pol-
liceamur. Immo e contra-
rio Deū imploramus (quem
certe omnes implorare at-
que obtestari debent, qui
de orthodoxa fide recte sen-
tientes, vnguento vsuri sunt:
id moneo, id suadeo, id om-
nes vt faciant, peto quae-
soque) vt illius astum longe
arceat: ac proinde iure cre-
dimus, sanitatem ex eius vi
natam esse. Quod si aduer-
sarij a cacodaemone aliquid
vnguento subdole infitum

opi-

opinantur, id vere probandum . Nos non plus sapere, quā oporteat sapere, satagimus.

Instant praeterea & vr-

17

gent Hildani obseruatione

Decimū septimum argumentum.

xxv.cent. i i i. *De infelici suc-*

cessu (sic enim inscribit ob-

seruationem) unguenti sym-

pathici seu armarij , vbi haec

habentur verba: Quam misi-

sti delineationem instrumenti nō

satis intelligo , ideoque ut am-

pliores declarationem mihi com-

municare velis , obnixe rogo .

Nunc quod tibi communicem

nihil singulare habeo , ne tamen

plane nudam mitterem episto-

lam , exemplum de infelici suc-

cessu unguenti sympatici siue

L 4 ar-

Historia.

Vng. armor.
adhibetur.

armarij adscribam. Genere & virtute vere nobilis matrona Anna Sidonia Bremserina de Rodesheim nobilissimi ac strenui viri D. Hermani a Cröberg Lorcentis ad moenum praefecti prudentissimi coniux matrona iuuenis & optimo habitu corporis praedita cum ante mensem feliciter peperisset nescio quonam infortunio factum quod decima die post partum vulnus ad latus pupillae sinistrae versus sternum accepit. Vulnus etsi non usque adeo profundum esset, sanguis tamen copiose effluxit a chirurgo restricto sanguine non vulnus sed cultrum, quo inflictum fuerat, curabant &

& tractabant quotidie, & qui-
 dem, ut par est, diligenter;
 cito & ut videbatur satis feli-
 citer & fere absque dolore cura-
 tum fuit vulnus. Sed quid
 fit? vix cicatrice inducta, ob-
 tuto in profundo māmāe abortu
 dolore, febre cum rigore, lumborū
 & capitis dolore correpta fuit ae-
 gra. Mox intumescit, & indure-
 scit uamma maximo cū dolore,
 non solum mammae verū etiam
 nuchae & scapulae, adeoque to-
 tius istius lateris. Interim aduo-
 catur chirurgus, qui etsi omnem
 adhiberet diligentiam, sympto-
 mata tamen de die in diē magis
 magisque accreuerunt. Tandem
 decima nona Aprilis ego quoque

A curatione
 quae super-
 uenerint.

ac-

Hildanus ac-
cerfitur.

Symptoma-
tū remissio.

accerfitus ad ipsā Oppenheimii
perueni & mammam supra mo-
dum tumefactam & undique
fere induratum offendi. Dolor
maximus & pungitius fe-
brisque continua aderant. Ci-
catrrix praecedētis vulneris vix
apparebat: circa pupillam liui-
da erat cutis, ita tamen mollis,
ut fluctuatio puris tactu facile
depraehendi posset, quapropter
suasi, ut incideretur vomica.
Consensum porro cum dedisset
aegra & adstantes, scalpello
incuruato atque hic adumbrato,
abscessum incidi. Pus copiose &
quidem cum impetu effluxit,
hinc dolor mox sedatus fuit: re-
liqua quoque Symptomata, ve-
luti

*luti febris, nausea, capitis, nu-
chae, & scapulae dolor, vigi-
liae & inquietudines paulatim
remiserunt, & subsequens nox
prorsus quieta fuit. Ab eo tem-
pore multum puris effluxit, du-
rities quoque paulatim remisit;
interim tamen duobus alijs in
locis, & quidem prope pupillam,
per se exulcerata est mamma:
nihilominus tamen omnia ita
se habent, ut sperem ipsam
quamprimum pristinam vale-
tudinem recuperaturam. Plura
nunc non addo. Haec Hilda-
nus: ex quibus intelligi pos-
se nonnulli arbitrantur vn-
guenti vanitatem apertum-
que mendacium. Sed hi
pro-*

*Dissoluitur
argumentū,*

perfecto mihi videntur eos
imitari, qui *ubi tritico carent,*
lolio victitant: nimirum ino-
pes ab argumētis firmisque
rationibus *nugis armati pu-*
gnare contendunt. Quis ne-
scit, praestantissima quae-
que medicamenta non raro
esse irrita? neque esse in *me-*
dico semper releuetur, ut aeger?
Quis nescit alios interdum
ex alijs morbis nasci? At cu-
ratum fuit per vnguentum,
sympathicum sanatumque
mulieris vulnus, vel ipso
Hildano teste: & licet natus
subinde sit alius morbus,
non propterea prior ab vn-
guento non fuit sanatus;
imo

imo vero quia praepropere
forte sanatus, ideo nouus
pullulauit. Ex quo praestan-
tia potius & vis non medio-
cris vnguenti sympathici
praemature sanantis, quam
ignauia aut vanitas innote-
scit. Exemplo rem clarius
persuadeo: calchantus nari-
bus appositus fluentem san-
guinem illico sistat, ex quo
phrenitis oriatur, vi sangui-
nis in cerebrum versa: ergo
calchantus iners est, & inu-
tile medicamentum ad san-
guinem sistendum? Mini-
me gentium: imo validum
ac praestantissimum. Haec
si attendas, plane intelliges,
quan-

Praestantia
vnguenti in-
notescit.

quantas ipse nugas agas Hil-
dani obseruatione.

18

Decimum
octauum ar-
gumentum.

Dissoluitur
argumentum.

Demum fieri non posse
nonnulli arbitrantur, vt e
pauculo illo vnguento, gla-
dio pannoue illito, tantae
vires emanare possint, qui-
bus periculosum vulnus fa-
netur. Ceterum scire gestio
ex vnguenti hostibus, num
magnum aliquod ac mole
amplum sit, quod ab exigua
licet geminata scythae mu-
lieris, obtutu hominem in-
terficientis, pupilla emitti-
tur. An igitur quia neque
animoid, neque cogitatio-
ne assequi possumus, proin-
de superstitiosum est?

An

An quia (vt haec etiam
si non ad exiguitatem de-
clarandam, certe ad osten-
dendum miraculum obiter
adiungam) An quia, in-
quam, ignoramus vim il-
lam, qua poli, aut stellae,
montesue magnetici ad sese
magnetem alliciunt, qua
magnes ferrum trahit, qua
adamas ab attrahendo ferro
magnetem prohibet, ad
daemones prouocandum?
An quia Parafini terra in
Taurorū peninsula omnia
vulnera sanat? An quia,
solstitialis herba vnico sol-
stitiali die nascatur, adole-
scat, confenescat, & intereat,
ce-

Varia natu-
rae miracu-
la.

ceteris omnibus diu viuentibus, cacodaemonis operata, adulta, confecta que fuit? An quia selenitis lapis solidus ac durus crescat decrescatque crescente ac decrescente luna: Aut quia turcofia gemma pallefcatur, eo, qui eam gestat, languente, ac periculo aliquo ei imminente suboscuro colore subfundatur: Aut quia laurus, ficus, vitis alba, vituli marini tergus, & hienae pellis fulmina a se arceant, & rerum omnium maximam vim vi propellant, malus daemon praesto est? An quia tympanum e lupi corio

rio raucedine afficiat aliud
ex ouina pelle longe distans,
magia aliqua superstitiosa,
ab inferis accersita est? Sed
vana sint horum pleraque,
nugae ac somnia; quid de
remora dicemus? Inculcan-
da saepius res est, mirificis-
sima omnium virtute prae-
dita: quae sane tanta est, ut
Ruant venti licet, saeuiant
procellae, furori tamen imperet,
viresq; tantas compescat, & co-
gat stare nauigia, quod non ulla
possunt vincula, non anchorae
irrenocabili pondere iactae.

Quaero quid ex paruo hoc
pisciculo sese emittit, quod
impetum navis ferociam-

M que

que comprimat ? Quid ex alio Indico, quod, vt supra commemorauimus, incitatum nauigium non modo sustinet ac sistit, sed irrito ventorum impetu impulsuque remorum retro inhihet? sane vnusquisque miraculo haeret mirabundus potius, quam rem enodaturus.

Iam vero cum nulla neque ratio, neque experientia nobis persuadeat, vnguentum a daemone mutuatum esse vires: cumque & natura & ars vnguento aut magis aut aeque mirabilia vulgo & passim efficiant, non est, cur inertes & ignaui-
ru-

rudelque philosophi ad ca-
codaemonem prouocemus.
Quare vnguentum arma-
rium, ex eorum genere esse
mihi videtur, quae fieri pos-
sunt, quaeque possibilis
vulgo appellantur: idque ijs
rationibus, quae sunt a me
supra cōmemoratae. Quod
si infirmæ reuera illae sint,
infirmam quoque meam
esse coniecturam atque opi-
nionem vltro fateor & aper-
te profiteor. imo vero vete-
ri more testatum esse volo,

QVAE . SANCTISSIMI . VIRI . CHRISTIANI

FIRMA . RATAQVE . SANXERVNT

EA . SOLVM . IN . NOSTRA . DISSERTATIONE

FIRMA . RATAQVE . SVNT

INDEX

RERVM NOTABILIVM

*Quae in hoc volumine
continentur.*



- ER examinatur. pag. 157.
 Eschynome herba admiranda 17.
 Aethiopi mulier ignem tractat innoxie. 30.
 Activitatis sphaera. 132. ad 140.
 Agnus scythica mirabilis. 18.
 Alliorum historia mirabilis. 87.
 Alberti Magni caput loquens. 58.
 Anatae ex arbore natae. 18.
 Antimonij compositio. 126.
 Aquila miranda Regiomontani.
 Arbor admiranda. 16. Arbor Pudica. Ibid.
 In Malacca insula admiranda. 18. In America. Ibid. In Thorace hominis nata. 51.
 Archimedis sphaera. 55. Eiusdē speculū. Ibi.
 Architae Tarentini lignea columba. Ibid.
 Aristotelis sētētia de proiectis refellitur. 77
 Eiusdem defenditur. 87.
 Artem posse Vng. Arm. componere. 4.
 Aranei Apuli historia. 96.
 Argumenta contra Vng. Arm. solvantur.
 a 101. ad 180.

Bal.

INDEX.

- B**alsamum CARD. BARBERINI a Tobia
facti mirabilis vis. 147.
Bestiola in lapide nata. 46.
Bombardae lignae mirabiles. 67.
Bombarda vulgaris omnium arte factorum
mirificissima. 71. Eius globus non pelli-
tur a virtute impressa, vel ab aere. 75.
Caccus statuarius mirabilis. 58.
Caeparum historia mira. 87.
Calchanti vis. 173.
Caloris naturalis vis. 122.
Canis domestici historia. 136.
Canicidas odit. 19.
Caput ligneum Alberti Magni. 58.
Caro fossilis. 43.
Castellum ligneum ab igne non combu-
stum. 28.
Cautes admiranda. 15.
Cerasi historia mira. 92.
Cicorium examinatur. 156.
Columba Architae. 55.
Currus mirabilis vento impulsus. 68.
Currus Myrmecidae. 56. Alius mirab. 68.
Democritus Magiam coluit. 8.
Descriptio varia Vng. Arm. 106.
Drebellij globus mirabilis. 57.
Farris pica in naso mulieris nata. 51.
Felis historia. 139.
Foetus lapideus in vtero. 42. an
Fulminis admiranda. 15.
Galliae Regum admiranda vis. 27.
Gemma Leonis X. mira. 43.
Gemma Clementis VII. mirabilis. 43.
Hedera nata in ceruae cornu. 51.
Herba miranda. 16.

Hispa.

INDEX.

Hispanae olei vis. 55.

Hildani obseruatio contra Vng. Arm. 167.

Historiae nouae, & mirandae xviii. nimirum de vrinae profluuiio. 24. De igne innoxiae manu sumpto. 28. Altera hist. mira. 30. Tertia. 32. De sanguine ex cadauere fluente. 36. Altera. 39. Serpentum vere miranda. 44. Serpentis in corde geniti. 48. De pruno in Thorace hominis nato. 51. De caeco sculptorae. 59. Bombardae lignae. 67. Maculae, seu malaciae. 81. Altera noua. 83. Tertia. Ibid. Quarta. 84. Quinta. 91. Sexta. Ibid. De cane. 137.

Homeri Ilias in niue insula. 55.

Ignis admirandus. 15. Ignis cum eludentia. 27. Ignem tractant innoxiae complures. 32. Ignis e longinquo comburit. 134.

Io. Gambassius statuarios admirandus. 59.

Linteum ex amianto non cōburitur. 27.

Lignea tunis ab igne non cōbusta. 28.

Ligni fossilis historia. 43.

Magia a quibus populis culta. 7. Quis eius inuentor. Ibid.

Magnetis mirāda. 14. Magnetici mōtes. 142.

Macularum ex malacia color, &c. vnde. 79.

Memoria miranda Iuuenis. 63.

Mimosa hortensis admiranda. 17.

Myrmecidae nauis, & quadriga. 56.

Morbi transponuntur. 10.

Muscus in vng. non est superstitiosus. 127.

Nauis Serapidis. 56. Myrmecidae. 57.

Nauis arte restitutus. 93.

Nyli terra miranda. 14.

Opi-

I N D E X.

- O**pinio diuerſa de Vng. Arm. 2.
Opium calidum an fig. 156.
- P**aterae minutiſſ. 65.
Platonis opinio de proieſtis. 76.
Petrus Bourdelotius Med. Pariſ. 46.
Philophari de rebus abditis eſſet nugari,
pag. 100.
Poſſibile eſſe veluti inſinitum. 98.
Proieſta non moueri a virtute impreſſa. 71.
Non ab aere. 75. Vide multa. 76. &c.
Proieſtorum opinio Ariſtoteliſ reiſcitur. 77
Platonis reiſcitur. 76.
Pudica arbor miranda. 16.
Pyrrhi Regiſ digituſ miranda. 26.
Pyxiſ mirabilis. 68.
Puer palliatuſ, &c. 41.
Pulviſ torment. 127.
- Q**uadriga Myrmecide. 56. Steuini veli-
fera. 68.
Qualitaſ proprietat, &c. nugae. 72.
- R**ana ex putri. 47.
Regiomontani Aquila. 48.
Remora. 21. Alia mirabilior. 23. & 177.
Riccarduſ London Med. Britannuſ. 48.
Roſa. 24. Horis nata. 70.
- S**anguis fluens e cadauera praefente ho-
miciſa. 36.
Scire quid reuera. 154.
Serpentiſ in corde reperti hiſtoria mira. 48
Serpentum ſpelunca hiſtoria mira. 44.
Seuerini ſtatua miranda. 58.
Sphaera Archimediſ. 54. Drebellij. 57. Alia
mira. 70.
Sphaera actiuitatiſ. 132. ad 140.
Statuariuſ caecus mirabilis. 58.

Tabula

I N D E X.

TAbula picta mirabilis.69.
 Tarantulae historiae mira. ibid.
 Telescopium miranda.64.
 Theophrastus defenditur.85.
Verrucarum historia mira.84.
 Vini historia mira. ibid.
 Virtus impressa projectorum.71.
 Urinae profluvij mira historia.23.
 Virorum adeptis historia mira.85.
 Unguentum Armarium dari probatur. 4.
 Eius spinaera actiuitatis. 132. 141. Quo-
 modo agat in distans.101. Eius varia
 compositio.106. Vires examinantur.113.
 ad 125. Quomodo emittat vim is vul-
 nus.152.

F I N I S.



